



關書

漢書門類			
九	〇	七	
一	〇	三	
四	一	二	
冊	架	函	號


內閣文庫			
九	〇	七	
一	〇	三	
四	一	二	
冊	架	函	號

內閣文庫			
番號	漢	9073	
冊數	40 (38)		
函號	292	86	

百四十一
百四十二








閩書卷之一百四十

閩閭志

福州府 閩縣

後漢書文庫



元

馬速忽妻

奉使廣東妻留福州州悍卒為變逼脅之輒給卒曰

酒我卒大喜酒之卒醉速忽妻持斧擊殺卒遂為同

營卒所殺時稱西河女丈夫速忽感其義終身不娶

皇朝

皇朝

閩書

卷之一百四十 閩閭

吳卿

江日全鄭琚妻

葉應暉妻劉氏

工部尚書趙榮妻金氏夫李烜妻陳氏

湯泉妻金善觀卒相表以羅惟遠繼妻曾氏

林廷桂妻鄭氏

倪善

成祖即位遣司禮太監李培賫幣帛宣

江日全鄭琚妻早寡有皎節洪武中詔徵節婦之

有才學者入教宮人江應選入見賜今名欽授內

府女官久之遣官取其家屬馳驛賜第上崩

送歸閣志成祖即位遣司禮太監李培賫幣帛宣

入為內尚寶卿仍賜第京師以居十五年請老詔

遣內官護歸卒於家

葉應暉妻劉氏姑陳患風動履恃人而又下也應暉

每與兄翁筭輿昇遊後園令諸孫導前為驩劉承順

惟謹年九十一卒孫繼美繼熙繼善皆登科

工部尚書趙榮妻金氏聰穎善柔閑內訓精女紅歸

榮事姑謹姑遘疾籲天求代疾尋愈榮既貴顯入觀

中宮所得賜物必以分諸親舊榮染疾在告十有四

年躬侍湯藥未嘗少懈榮卒哀毀成疾尋卒

舉人李烜妻陳氏天順七年烜會試場屋火歿焉年

二十九舅姑老子賓四歲家貧甚拮据經營養老字

孤 詔書旌門

定海千戶所千戶湯泉妻金善觀生一子銘方七歲而泉卒善觀時年二十有五紡績養姑姑病晝夜扶持湯藥必親籲天求代姑卒鬻資裝給殯葬慟哭幾喪明事聞 旌表

學正羅惟遠繼妻曾氏明哲知大義年二十七寡畜其前妻子一鸞不啻已出惟遠素慷慨樂施曾咸將順惟遠歿有姻家負其金二百曾取券焚之曰吾夫志也嘉靖中以子一鸞貴封恭人

舉人林庭桂妻鄭氏素閑家訓夫病割股和粥以療年二十二守節卒年八十餘知府葉溥奏 旌焉

庭桂文安長子也文安子九人鄭處諸妯娌和而有禮成敬而法之

倪隆妻薛德德初許于隆年及矣會翁媪俱歿族人謀以歸于隆德持不可終翁媪喪爲諸弟婚娶乃合卺年二十七矣勤儉惠和大有造於倪氏

倪善隆女也隆生三子四女善其季未笄父母云歿諸兄子衆多善閨居不嫁紡績治生以撫諸姪以所羨增置祭田子姓義而服之卒年八十四倪氏塋之祖墳之側奉祀不絕

右賢女

宋

施氏

黃氏

施氏曾氏母夫亡守志詔書旌門

黃氏李氏母夫亡守志詔書旌門

元

劉氏

劉氏前行省都事賈訥母寓居本路錄事司大德二

年旌表

皇朝

王英妻張氏

黃星妻林氏

方鸞妻王三小

陳紹惠妻李瑤

楊和生妻王氏

陳啓妻潘氏

葉時彥妻郭氏

余尚春妻鄭氏

高明妻林氏

張璿妻陳氏

林克從妻李氏

鄧標妻吳氏

高孔文妻鄧氏

龔廷達妻姜氏

李岳妻劉淑馨

林廷振妻鍾氏

庠生林廣妻何容

曾理瑤妻李盡

陳暉妻唐氏

陳泰妻葉敬小

劉文斌妻葉氏

陳瑤妻胡氏

林璿妻黃氏

劉璵妻王信

林世融妻黃恩

葉惟節妻林紱

陳賢妻張錦

趙懋妻李氏

楊文正妻林秀卿

陳珍妻楊氏

楊琪妻羅氏

陳洪妻石氏

官鼎妻陳氏

謝廷最側室陳氏

張璉妻孫氏

鄭坦妻鄧氏

林焯妻陳氏

陳正謨妻張氏

鄧煒妻陳氏

陳臺妻張氏

林給妻許氏

莊弘紳妻鄒氏

沈聰妻陳氏

黃渙妻曾氏

葉英妻陳氏

蔣國華妻李氏

鄧魁妻張氏

陳鳳儀妻林氏

王公任妻林氏

林氏二烈女

趙天麟妻方氏

陳一德妻施氏

陳文禕妻蔡氏

翁文燿妻葉七娘

鄭洛妻張氏

謝蕡妻劉氏

林世顯妻余氏

周詔妻歐氏

陳源清妾邵氏

林庭奎妾王氏

劉尚敬妻黃氏

鄧應禎妻謝氏

林道行妻吳氏

鄭人彥妻董氏

鄭鼎夫妻陳氏

鄭浚妻陳氏

張紹彝妻葉氏

張邨妻鄭氏

葉干烟妻楊氏

舒棉妻王氏

林公遷妻鄭氏

鄭宗德妻倪氏

董汝元妻蔡氏

林朝賓妻鄭氏

董世連妻陳氏

林世芳妻陳氏

王用賓妻孫氏

唐桂妻鄭氏

李大林妻吳氏

李一鵬妻王氏

黃璧妻施氏妾林氏

彭夢槐未婚妻廖壁

鄭鳴鶴未婚妻林順

林啓愚未婚妻林坤姐

李科未婚妻彭氏

葉露澤妻李芸卿

林璵芳

陳莊卿

王英妻張氏英客歿張扶柩還塋洪武初有備倭武

臣賄逼之張置刃自防號哭不絕聲竟伸其節

林氏嫁方山黃氏年二十五夫卒子智在乳誓不再

醮撫智成立為延平訓導郡人高廷禮為作方山節

婦歌

永福方鸞妻黃氏名三小年十六適鸞未四載鸞卒

黃自刎歿時洪武九年

陳紹惠妻李瑤歸紹惠卒瑤年二十七生子寬甫週歲晝夜勤生養遺孤供祭祀後寬亦卒李年七十餘撫諸孫成立

楊和生妻王氏和生夭歿王年廿八子永尚幼貧家

紡績自給後永宣德中登進士官御史詔書旌表

陳啓妻潘氏年二十九勵志守節教子傳舉正統中

進士爲刑科給事中事聞旌表

葉時彥妻郭氏年廿八夫亡子理幼苦節撫及長娶

婦朱朱方遺腹理復歿婦姑相依育遺腹子底成立

余尚春妻鄭氏尚春卒于崇安客舍鄭直至其處扶

柩歸時其太姑及舅亦相繼卒姑且老子亮方齟鄭

矢心養姑姑病夜禱北辰至愈乃已家三喪久不舉

或勸之火葬鄭曰舅與夫故爲儒吾忍燼諸薪藐諸

長無遺恨乎亮後領景泰中鄉薦授訓導

高明妻陳氏子圭天順中舉人

張濬妻陳氏

林克從妻李氏

鄧標妻吳氏

高孔文妻鄧氏

龔廷達妻姜氏

李岳妻劉淑馨年二十八寡一女九歲一男六歲內
外期功無一足恃艱難阨塞百爾備嘗其後二孫同
領鄉薦次孫廷美登甲第丘文莊公濬爲銘其甘節
之堂

林廷振妻鍾氏廷振歿鍾年二十七二子俱幼姑心
謂少婦安能自苦漸有踈心母家亦勸更適鍾泣曰
非惟口不可道抑亦耳不可聞孝養劬勞竟伸其志
子深成化舉人韶州訓導

庠生林廣妻何容字淑姿頗涉書史年二十三廣卒
男澤始生誓死守節後澤先母卒妻朱亦堅忍奉姑

訓

會理瑤妻李盡字淑善理瑤年二十三卒二子皆幼
家赤貧盡杜門勵操守吳淵上其事請旌之命未下
卒將卒正襟端坐召子婦諸孫教戒之兄子仲賢趨
入淑善張目曰外姓也可至此命扶出正寢而終
陳暉妻唐氏年二十二寡無子以夫姪定爲嗣後定
亦卒撫其子良默年七十餘

陳泰妻葉敬小

劉文斌妻葉氏孫世揚正德中進士

陳瑋妻胡氏瑋卒亡子誓不重行其娣王氏夫住亦蚤卒亡子或勸改適王曰不媿夫娣耶娣奴相依遂各立後以天年終鄉人稱為雙節

林濟妻黃氏年二十七寡孀居三十年事舅姑撫男女宗尚稱賢 詔書旌表子廷綱弘治中歲貢

劉聰妻王信年二十五聰卒亡子撫二女婚嫁之林世融妻黃恩布政黃澤女也年二十六守節

葉惟節妻林紱年二十七夫亡養姑撫孤不易其志

陳賢妻張錦賢溺歿錦年二十五產遺腹子家貧舅姑老錦日則教授女徒夜則辛勤女工鄉邦稱節焉

趙懋妻李氏

楊文正妻林秀卿

陳瑜妻楊氏

楊珙妻羅氏二十而寡撫一子二女力貧教之既子

復卒楊嗣遂絕羅氏依女以居志操彌勵

長樂民陳洪妻石氏方娠洪卒三閱月生子植誓終

奉陳祀植長娶林其家有百花壺古畫權貴欲攘之

因搨搿其罪竟歿非命石詣京雪寃歸與林雙杼寒

梭一燈夜織石年八十終林年六十五終

縣學生官鼎妻陳氏

長樂諸生謝廷最側室陳幼知內則謹於笑嘖歸廷最生子克四歲而廷最卒誓不易志始終一節

張璉妻孫氏 曾孫炳萬曆中舉人

鄭坦妻鄧氏性聰慧能口誦烈女傳孝經年十六歸坦未幾坦卒父母憐其少微諷之鄧引刃斷兩耳立坦弟子雲鎬為後日夜課誨八十餘卒 詔書旌

門雲鎬舉隆慶鄉薦

林焯妻陳氏焯為吏客歿陳年二十九携孤懋和歸撫教之後懋和官至方伯陳得貶封年八十餘卒始陳守節時貧苦甚親故莫問者及懋和貴周恤甚厚

陳正謨妻張氏 子公陞嘉靖中進士

鄧煒妻陳氏 子原玉嘉靖中舉人

陳臺妻張氏 子金小父不詳 林絡妻許氏 孫堪嘉靖中舉人 曾孫材萬曆中進士

莊弘紳妻鄒氏 子嚴嘉靖中舉人


沈聰妻陳氏

府學生黃渙妻曾氏 年二十少而寡身守志文節

葉英妻陳氏 子繼熙嘉靖中舉人

縣學生蔣國華妻李氏 年二十四寡身守志

鄧魁妻張氏



長樂陳鳳儀妻林氏年二十四寡撫姪聯芳爲嗣躬紡績佐誦讀事姑楊得懽心嘉靖中以聯芳貴封孺人

長樂王公任妻林氏年二十七而寡長子文謙甫三歲次子文誠以遺腹舉林養祖姑黃姑趙昕夕弗懈撫二孤從業師儒取給組績而已謙誠先後以貢任學官林尚康強無恙戚里稱慕之壽九十四

林氏二烈女長金小次玉小邑壺江村林熹女也金小年二十嫁連江鄭輝有一子矣玉小笄未字也嘉靖季倭入其村金小適歸寧與妹扶母乘舟避之賊突登舟金小卽置其子謂母還鄭與玉小皆投于江數日二屍逆流而上其父收葬之

趙天麟妻方氏居長灣嘉靖中倭入長灣天麟出禦舉家浮江賊突至舟驅天麟父母入水方與天麟妹坤淑同時投水歿

陳一德妻施氏與夫妹細娘遇賊相持赴水歿
懷安陳文禕妻蔡氏遇賊抱幼子躍入南臺江歿之
翁文燧妻葉七娘隆慶二年海寇劫其鄉虜男女七十餘人葉不肯行亦迫之呼曰吾死不從賊賊怒斷其兩臂歿

縣學生鄭洛妻張氏 子燿萬曆中舉人

贈太 寺少卿謝蕢妾劉氏

林世顯妻余氏

周詔妻歐氏

贈主事陳源清妾邵氏

貢士林庭奎妾王氏

縣學生劉尚敬妻黃氏

縣學生鄧應禎妻謝氏

林道行妻吳氏

鄭人彥妻董氏

縣學生鄭鼎夫妻陳氏

鄭淡妻陳氏

張紹彝妻葉氏

張邨妻鄭氏

葉于炯妻楊氏

舒棉妻王氏

林公遷妻鄭氏

縣學生鄭宗德妻倪氏

董汝元妻蔡氏

林朝賓妻鄭氏

董世連妻陳氏

林世芳妻陳氏

王用賓妻孫氏

唐桂妻鄭氏

縣學生李大林妻吳氏

李一鵬妻王氏

縣學生黃璧妻施氏妾林氏

彭夢槐未婚妻廖璧夢槐父嶽江右人也客于閩與

璧父元熙相善遂相許居一年嶽歿璧去容飭若心

喪于歸有期夢槐舟行溺歿璧聞計欲自經璧母防

視弗獲也乃往視殮撫屍慟哭哭聲酸裂屍泫泫淚

出口鼻逆流若為更生者廖氏挽璧還璧踊而踊既

許人復何歸乎遂家於彭萬曆五年旌門

鄭鳴鶴未婚妻林順以烈殉

林啓愚未婚妻林坤姐以烈殉


李科未婚妻彭氏以烈殉

葉露澤未婚妻李芸卿以烈殉

林氏璵芳文恪燠孫女戶部員外郎世吉女也故許

吳爾雅未婚而爾雅卒女年十有六即欲奔其喪父

母難之女重違父母命從此齋素自持誓不嫁也居



十有二年卒臨卒謂父母曰請歸塋

陳莊卿萬曆間許聘周大樂未醮奔喪誓志孀守貞

孝兩全

右貞女

福州府

候官縣

宋

蔡旬妻劉氏

陳孔碩母黃氏

仙遊蔡旬妻劉氏員外昇之女也旬蔡襄子襄故與

員外善員外以女許旬既員外歿家日落襄知福州

時就劉尋婚劉以非偶辭襄曰不可具奩送劉命旬

娶員外女以歸歸而旬天子傳方二歲劉撫教之六

經子史皆使穿貫傳以養母早乞致而傳子櫛出知

泉州為襄舊治時劉已封令人白首康強傳綠髮尚

茂泉仙相距四舍許板輿往來奉養珍厚人咸榮之

陳孔碩母黃氏嫁陳衡謹事舅姑撫教諸子孔碩遂

以進士中第補婺州戶椽黃見其閱其獄必戒曰人

命至重母使有冤聞當答人戒輕之見其被檄考貢

士曰加詳焉母忘汝舉子時也初好佛書讀誦拜跪

終日忘倦一日忽屏不事曰不在是無媿心足矣

右賢女

皇朝

何旻妻林氏

楊源繼室王氏

趙總妻吳賢

盧建妻許氏

楊浩妻袁妙華

林文明妻趙氏

王鑾妻藍氏

李徽妻林氏

李寄娘

馬謙妾王氏

俞士淵妻張氏

楊文瀚妻張氏

王應春妻陳氏

張鑑妻陳氏

楊英妻鄭氏

林栢妻薛氏

謝瑀妻黃氏

陳仕基妻林氏

鄭汝試妻林氏

藍燭妻王氏

高允升妻葉氏

馮德光妻下氏

陳道謙妻馮氏

陳璧妻劉氏

黃材未婚妻林賓

張組未婚妻林綬

周文未婚妻廖以莊

邵文典未婚妻李珊

黃廷桂未婚妻林富姐

懷安人何旻妻林氏旻卒林年二十九子瓊始生三

月撫之成立既領鄉薦第一第進士

閩縣楊源繼室王氏源卒撫前室子澄如已出勤女

紅以養老姑後澄領鄉薦典教諸暨盱眙俱迎養翰

林脩撰王鈺扁其堂曰甘節年八十二卒

閩縣趙總妻吳賢年二十七生二子總卒賢惡笄垢服荼苦奉姑日為鄉隣女師夜歸紡績以給子讀後長子正領鄉薦次子曾舉明經同赴京師吳諭之曰明秋吾從汝父地下矣若得官江南可便道歸二子奉母言各授官歸抵家省視吳數日卒人異之

盧建妻許氏年二十五而寡一子甫生三月自誓守節以養舅姑子長為娶婦越二年子亦蚤世其婦方十有九許哭謂日子不幸天汝復無出吾將焉依婦仰天誓曰不奉姑者有如日後許氏年六十二而卒婦生事塋祭一奉禮式

楊浩妻袁妙華

林文明妻趙氏

縣學生王鑾妻藍氏

李徽妻林氏徽從軍没于戊年二十八子源甫一歲家貧甚親族勸之再醮荅曰亦聞餓死極小失節極大源後登第

李寄娘父鬻之黃氏媵黃氏女以歸懷安林繼誠年二十二而繼誠卒寄娘生有男女矣黃氏令其自為衣食寄娘日掃松葉為爨夜則紡績後男女皆成人

寄娘以壽終

府學生馬謙妾王氏

俞士淵妻張氏

楊文瀚妻張氏

張道南妻戴氏

縣學生王應春妻陳氏

張鑑妻陳氏

楊英妻鄭氏

林柏妻薛氏

謝瑀妻黃氏

陳仕基妻林氏

鄭汝試妻林氏

縣學生藍燭妻王氏

高允升妻葉氏

縣學生馮德光妻下氏

縣學生陳道諫妻馮氏

縣學生陳璧妻劉氏

黃材未婚妻林賓年十八聞材計弔慟奔殯脫簪珥

易棺葬之紡績自給以終其身事聞 旌表

張組未婚妻林綬以烈殉

周文未婚妻廖以莊以烈殉

邵文典未婚妻李珊以烈殉

黃廷桂未婚妻林富姐以烈殉

右貞女

福州府 懷安故縣

皇朝

任琛

任琛恭敏公馬森妻也幼慧受女紅輒解雖盛寒暑
 不廢里中有戲抵奇戲姊輩召之往觀對曰琛聞之
 矣越閨失度輟業失職矧而觀如禮何固辭任翁重
 之既歸森舉進士家召賀客有請歌舞為驩者任
 白姑曰兒森素約亦將有所樹耳聞之母乃蹙乎其
 姑乃止客客莫不歎其賢森仕宦所至任課童蒔蔬
 供紉絲泉儉以佐薦所生二子曰熒曰燮有言尚書
 家願予女熒者謝曰我家宦薄敢逆女高門乎竟屬
 森之貧交有道州大夫迨為子燮納世尚書林公女
 曰匪以其盛為清白耳儻天大吾後儀刑在茲所生
 四女為治奩皆不及中人家每戒之曰吾昔嫁書生
 今汝輩公子同歸慎勿謂儉厚汝輩多矣熒以廕游
 太學貴游多其文雅或嘲其短於奕及不聽佳冶曲

熒曰奕少頗善之而枵為老母碎久矣且不敢理絲竹安知此音人稱婦德母訓云

右賢女

元

王氏

王氏同邑吳氏婦大德五年旌門

皇朝

黃應妻余氏

馬珽保妻趙氏

陳許二氏

王惟善妻吳英

徐氏三婦

林志學妻陳氏

楊英妻陳妙玉

謝獻妻潘氏

吳孟恭妻陳懿娘

金石妻俞氏

聶元霖妻潘氏

劉用譽妻葉氏

陳天與妻吳氏

王德漢妻馬氏

參政林舜道女萊姐

黃應妻余氏年廿三寡子安方二歲寧纔數月舅姑

俱老余竭力孝養後舅姑卒喪葬盡禮還挈安寧依

其父仲魯俾從師受學安永樂中進士官吏部主事

馬珽保妻趙氏通知書史年二十四寡二子閏旺家

貧不能從師自撫教之閏長遊鄉校閏之孫俊領鄉

薦六世孫森仕尚書

劉氏婦陳氏許氏陳年二十九夫伯元卒于官許年三十夫伯亨卒于家藐諸在襁家日替二婦相與竭力撫教諸子稍有違笞箠不少貸人稱劉氏二貞母王惟善妻吳英惟善疾篤二子在襁念無他兄弟可養母以囑英惟善卒值歲凶無所仰英乘月紡績以資姑養後年九十預知盡期無疾而卒

徐氏三婦曰陳本善曰趙貞淑曰丘淑呂本善之夫曰明之貞淑之夫曰誠之俱蚤世本善生四子貞淑無子各屏去膏飾經營家業而淑呂之夫曰景華者

明之元孫也景華居父憂以毀卒淑呂年十九一子欽未周歲亦矢志不二鄉人稱孝友貞婦推徐一門林志學妻陳氏

楊英妻鄭妙玉英夭歿無子惟一女甫四月家復貧窘妙玉機杼自給撫教其女于歸稱淑

謝璣妻潘氏璣沒舅姑老家復貧潘矢志堅守未幾舅卒姑患盲朝夕扶持既沒奉柩合葬蠶績給孤其後子鏞為沾化訓導 詔書旌門

吳孟恭妻陳懿娘嫁二月孟恭病革謂曰吾大父與父皆蚤世賴大母梁及吾母陳持吳門戶汝亦能乎

懿娘曰諾孟恭卒產遺腹子襁褓而殤正統間奉姑避寇歸室廬焚燬家計蕩然蠶織資養積贏餘構屋以居人稱吳氏三世一節

金石妻俞氏

子文明弘治中舉人

聶元霖妻潘氏

縣學生劉用譽妻葉氏

長樂陳天與妻吳氏教諭吳琮女年二十七而寡子詢僅三歲姑以痛子卧病牽糾吳侍湯藥久而彌謹姑亡辛勤營葬撫督遺孤歛資師友

王德漢妻馬氏婚逾月德漢亡欲死者屢念夫無子

持喪迨喪畢私治棺衾請于父曰女今可以死矣遂

絕食而卒馬氏父恭敏森而德漢叅知王應鍾子也

林萊姐叅政舜道女生而婉戀孝敬舜道嘗夜讀書

至孟子死徙無出鄉章萊傍聽之請曰此何書也舜

道為訓所以則曰彼猶疎也而戚今夫家室之內若

姑婦姊弟妯娌戚而疎者何也舜道曰彼古人也女

曰何必古人而後能戚疎也舜道則謂萊母識之賢

女也舜道以許長樂御史中丞陳省子長源六禮既

畢萊行去林為陳而長源卒萊聞嘆曰吾死矣蓬首

削脂澤稱疾卧床間其哭不聲而神傷或謂之不陳

不成婦汝何自歿萊曰誰謂不陳而以余之名氏歲月飾而櫛之以歸陳者既與聞之恐自昧固請舜道得禮赴於陳執喪而歿之舜道日使其女兒慰解百方不能得乃為貽書中丞且歸陳時中丞與舜道並有母喪則相謀曰以凶歸所不忍以好歸疇與主之姑俟喪除乎俄及暮萊大悲咤曰得無緩而覬奪吾嚮遂不食積七日嘔血歿萊未歿時其妹先之妹至友姊萊不葷已亦不葷萊不寢已亦不寢也既歿人曰非特萊烈也其妹亦有至性焉

右貞女

福州府古田縣

宋

利氏女

唐璘女

利氏女父卒無他兄弟獨與母居家貲甚豐女之從兄公謙一夕乘間殺其母盡挈其貲去逃匿得免女因削髮為尼行四方物色之忽得之處州湖南時公謙方擊毬女走訴州獲之守感其孝為械送本州寘法事在建炎紹興間

唐璘母璘以監六部門擢監察御史皇駭趨避不敢詣闕母曰人言官好汝何得憂乎璘曰此官須為朝

廷爭是非一拂上意或忤權貴恐重爲大人累母曰
而第盡言吾有而兄在璘拜謝入就職後立臺百日
切劘上躬盡言無隱人謂唐介再見則母教爲多
元

賴道慈婦陳道真

賴道慈歸同縣張文孫生一清十五歲而文孫歿道
慈年二十九黃華亂家毀於兵和且弗完道慈確然
守其志及一清長爲娶婦廖生三子願興埜而廖亡
繼者陳道真事道慈孝謹承一清養母之意唯恐不
逮而遇廖子不翅已出道慈體服重晚病痲道真與
媵人余乙恒挾持以就床几不辭瘦憊者逾十春秋
旣生子以寧年十餘日授之書夜則宿火至四鼓起
藝燈呼讀坐傍觀之頃刻皆能暗記黎明送之至齋
門乃還後以寧舉進士爲翰林侍講學士贈道慈道
真皆清河郡夫人而以寧入

明復仕爲學士

右賢女

宋

林娥

林娥儒家女也邑有建寇之警娥從衆避賊賊亦逼
之強立不屈遂遇害

元

蔣國秀妻陳道回

蔣國秀妻陳道回至正十三年紅巾賊攻破縣治國秀被殺道回太姑蘇妙仁見擒道回號泣請代賊放太姑執道回道回自刎歿事聞旌表

皇朝

曾縉紳妻趙妙琉

鄧揚宗妻李妙貴

李拳妻沈妙孟

湯琳妻羅妙應

林濡妻蘇秀姑

陳時中妻羅氏

李修妻朱仁厚

陳祚妻張氏

丁子文妻陳扁姑

秦瑞姑姑婦三人

余元機妻高蓮姑

陳九思妻周氏

胡廷佑妻黃瑚姑

余元佳妻李金姑

卓中行妻曾願姑

陳復陽妻魏德姑

陳應時妻曾玉英

林田妻游德姑

曾縉紳妻趙妙琉縉紳卒妙琉年廿五男禽甫週而舅姑老矣正統間寇亂舅姑被擄妙琉冒白刃求代賊釋之既所居火室罄然妙琉結草廬紡績資養姑疾殆割股療之及舅姑卒喪葬無違禮詔書旌門庠生鄧揚宗妻李妙貴揚宗與父俱卒妙貴年二十



四男燭甫三歲族人利其產諷再嫁至奪其奴婢以逼之妙貴守死堅持燭長子孫世其家妙貴以壽終李拳妻沈妙孟年二十四拳沒子基甫週姑憐其少寡欲嫁之妙孟不從事姑益謹縣令杜永濟每斷失節婦必令拜妙孟之家以媿厲之

邑庠生湯琳

湯一作楊

妻羅妙應琳以事將之京師時妙

應年二十一未出也而有一子理琳妾所生琳語妙應曰湯氏止吾一身天涯萬里寧可知乎卽不諱將奈何妙應曰君何出此言理非子耶後琳果死妙應撫理不啻己出卒于成立年七十八

林濡妻蘇琇姑年二十四寡子洪甫三歲母憐其少

欲嫁之琇姑曰尺組在此母不敢強

生員陳時中妻羅氏方伯榮之女蚤喪夫羅生一女

夫家無所倚歸羅守節猶子羅一德蚤喪孤大綸甫

七歲羅爲之主持成立守節撫孤九十而亡

庠生李脩妻朱仁厚脩宋李延平十四世孫也生子

元氣兩月而逝比元氣壯與妻俱夭朱復撫孫長芳

以延李氏當道檄旌之

縣學生陳祚妻張氏歸三歲而寡貧且無子織紵鹽

薺歷歲八旬當道檄旌

丁子文妻陳扁姑姑嫁二年子文卒誓不他適舅姑相繼亡喪葬如禮撫夫弟子章嫂而母之

秦瑞姑王松繼室也嫁三年而松卒松子二人長焮先松歿其妻陳長姑亡子也次焯亦早夭妻為陳蓮

姑焯歿蓮姑哀傷亦逝獨瑞姑長姑在分雖姑婦年則相若互依為命以撫蓮姑之出撻外戶屏壯僕莫

得聞聲窺貌焉廩生余元機妻高蓮姑年二十四寡遺孤兩歲翁官

廣文家無擔石而姑繼也蓮姑并日奉之陳九思妻周氏年三十喪夫遺腹一子矢志撫之子

復先逝則復撫孫孫又夭亡不衰其節年九十餘胡廷佑妻黃瑚姑

余元佳妻李金姑卓中行妻曾願姑年三十五喪夫矢志育孤未幾子

歿立嗣堅節陳復陽妻魏德姑年二十夫與翁連喪遺腹一子孝

事寡姑相依守貧陳應時妻曾玉英

林田妻游德姑右貞女

列傳

卷之二十四 閨閣

三

元

福州府 閩清縣

皇朝

羅步洲妻陳氏

孫汝濂妻詹氏

謝邦燠妻朱氏

何玉孝妻許氏

黃玄宗妻何氏

許文滄妻林氏

邑庠生羅步洲妻陳氏

邑庠生孫汝濂妻詹氏

謝邦燠妻朱氏

何玉孝妻許氏

黃玄宗妻何氏

許文滄妻林氏

右貞女

福州府 長樂縣


皇朝

潘元小

陳義姑

陳八娘

潘元小年及笄父卒母以許林祐祐父坐罪流徙揭
祐偕行度不能歸請絕婚元小不可既母卒依伯父
以居里有許姓者慕其色出其妻強委禽焉元小不
從許訴之官元小具道其故於縣令令王遵道嘉之



坐許罪適祐亦還家竟歸焉士大夫多歌詠其事

陳義姑名中年十二父碩翁兄壽文相繼亡兄遺孤

坦生三月耳母又病失明坦母欲改嫁義姑留之不

從遂誓不字養母撫孤族人有利於坦者所以防

護之萬方陳之喪葬婚娶皆姑綜理之年三十八卒

坦服斬衰三年

陳八娘義姑之族裔也兄聖塾及嫂俱淪沒聖子昌

文昌顯塾子昌隆昌朝昌齡皆幼八娘年十六矢志

不醮躬紡績營葬四喪婚娶諸孤年六十餘卒

右賢女

宋

林子埜妻陳氏

林子埜妻陳氏年十八歸子埜十有七日而寡堅貞

自守百挫不回年九十卒詔書旌門

元

陳三娘姊妹

陳三娘嫁石梁柯宗實其父希亮有未疾而嗣子微

弱陳雖適柯猶經紀外家事至正二十年海賊劫石

梁宗實適在縣郭陳治任將遜念其父疾奔徃省之

遇賊執焉且行且罵賊怒亂捶驅至舟置之蓬上時

周書

卷之二百四十四

三

元

柯族有童孫樞亦被執陳指語賊曰是兒吾伯氏子伯氏早歿惟此兒也兒懷有金幸許贖命賊因取兒金置兒大桶中浮之陳尋赴水歿賊退之明日屍逆流而上止石梁峰傷宗實輿歸歛之年甫三十其女弟適杜時賊至而杜外出姑曰盍逃曰夫不在逃將孰從賊突至擊姑仆地女弟抱姑號泣賊掠之去女弟戟手罵賊被斷臂歿卒詔書賜卹

皇朝 鄒孟妻王氏 林以德妻王氏

陳伯惠妻戴四娘 陳叔謨妻鄭氏

董氏子妻周氏 高伯明妻陳節小

陳氏婦姑 劉宗善妻陳氏

陳則淵妻高氏 黃伯頃妻林氏

陳九叙妻吳玉蓮 林師學妻廉氏

許鑑妻吳氏 石采蒿

黃一卿妻陳宙姐 陳史姐

陳洪妻石氏 陳植妻林氏

謝廷最妾陳氏 陳天與妻吳氏

王公任妻林氏 陳宗妻鄭氏

蔣后武妻周氏 陳用和妻謝氏



鄔孟妻王氏孟福清人任御史見縉紳嘗坐罪論罪
王氏乞入官爲奴贖孟罪一日孟所鞫囚竊入孟家
出白金二錠置几上王氏方櫛聞几聲亟持髮出追
還之未幾孟竟以諫歿其友戶部郎同郡張瑤歛孟
遺骸將歸王氏曰幸少畱悉償孟責負沐浴更衣自
經而歿

林以德妻王氏年二十三而孀時舅姑老子孔居幼
王以歿自誓孔居長爲娶婦戴亦夭卒生二孫長三
歲次方晬又躬撫之享年九十有九見玄會焉洪武

二十八年

旌表

陳伯惠妻戴四娘伯惠蚤卒遺腹子全戴撫教之後
全舉永樂進士歷翰林侍講

陳叔謨妻鄭氏年二十八夫亡三子俱幼有巨室謀
奪其志舅宗玉繼姑林亦意其難守微諷之鄭截髮
斷指誓歿靡他

董氏子妻周氏歸甫三歲夫亡無子舅姑俱存父母
欲嫁之周日少讀烈女傳得聞教矣年六十餘
詔書旌表

高伯明妻陳節小弘治十五年

旌表

謝傑妻陳氏夫舅同日歿陳時年二十四哀不廢禮

男天爵迨婚復夭與婦陳氏共撫一孫嫠居五十年
蚤夜機杼以資生業弘治間旌表

劉宗善妻陳氏

陳則淵妻高氏年二十四寡遺腹子守誌忍貧撫孤
後守誌卒未幾一孫又卒高年逾七十艱苦萬狀人
共哀之

黃伯頃妻林氏

陳九叙妻吳玉蓮嘉靖己未爲倭寇所獲驅之不行
罵不絕口延頸受刃賊遍斫其膚去扶歸逾數月卒
時年二十五

林師學妻廉氏與吳玉蓮並時不汙賊死

許鐸妻吳氏倭寇長樂夫婦俱見執賊挾刃睨鑑吳
抱鑑哭請代賊遂殺吳

石采蒿叅政璧孫女也嘉靖季隨母避寇自繫小刀
衣帶間母怪問之曰急卽死耳旣而遇賊赴水陷淖
賊欲援之出刀自殺數日家人收其屍色如生

陳宙姐布政使崇德孫女年十八適諸生黃一卿逾
八載一卿有劇囑之曰我死無子汝當歸汝家陳號
泣曰吾無歸理六日爲期從君地下一卿卒伏地哭
癖屢絕竊衣帶自經家人覺救之自是絕粒而逝正

六日矣

陳叟姐行太僕寺卿文沛女適閩縣林鏡鏡早夭叟姐年十九哀慟不欲生時方有孕姑解之曰幸可望男既舉一男週而殤叟姐慟如前姑復再四解之曰吾老矣無相棄也叟姐遂不敢言屏葦茹素奉姑孝耄未嘗少懈四十餘年家人不聞其聲

陳洪妻石氏

陳植妻林氏

邑庠生謝廷最妾陳氏

陳天與妻吳氏

王公任妻林氏

子文謙文誠俱貢士

陳宗妻鄭氏

蔣后武妻周氏

孫行義萬曆中進士

陳用和妻謝氏

右貞女

福州府 連江縣

皇朝

陳寶妻趙者

黃寶妻彭氏

孫夢弼妻林順德

劉陳姑婦

王復源妻滕氏

孫坦妻丘氏

陳博善妻許氏

邑庠生陳寶妻趙者父彥昌家法整嚴者薰染有素及笄歸寶事姑孝謹年二十一寶卒有勸其重行者曰從夫為烈養姑為孝夫死無子所苟生者圖孝姑耳

彭氏許婚黃黃卒彭自誓守節力貧養姑萬曆中

旌門

孫夢弼未婚妻林順德以烈殉

黃縉妻劉淑真縉死淑真撫孤應龍聘陳聰小為室

無何應龍卒尚未婚陳奔其喪與姑同寢處兩移表

王復源妻滕氏

孫坦妻丘氏

陳博善妻許氏

右貞女

福州府

羅源縣

五代

石氏二女

石氏二女長月華次雪英幼涉書史父母蚤喪處州青巾賊起俱被俘擄臨淵投死後皆為神人尊祀之

皇朝

饒建妻林壽娘

王德元妻歐氏

吳著妻黃氏

全大倫妻沈氏

陳鏡妻阮氏

陳敬妻林氏

郎中尤光被妾鄭氏

饒建妻林壽娘嫁甫半載建邁疾瀕殆顧壽娘曰吾

不忍汝寡卽不諱不嫵重行壽娘曰忍耶建卒殯殮

甫畢卽自經

邑庠生王德元妻歐氏

吳著妻黃氏

邑庠生全大倫妻沈氏

陳鏡妻阮氏

陳敬妻林氏

郎中尤光被妾鄭氏

右貞女

福州府 永福縣

宋

鄭元樞僑女

蕭國梁母

鄭氏元樞僑女適金華王介介爲中書舍人以忤時

相徙右史知臨安子埜官浙漕時嘗被論以鄭年老

托言改除以慰其意鄭曰我已知之昔之父以忤時相去國汝又如此我方為喜政復何憂
蕭國梁母國梁登乾道第第一為禮部郎官時鄉人黃定來謁母自簾內窺之語國梁曰此子亦能到爾地位後定果登進士第一時名母為知人

右賢女

皇朝

林愈妻方惠女

王珙妻林玳小

方時興妻黃淑真

福清林愈妻方惠女年十八適愈一年愈卒門無期功有慕其色欲脅娶之惠女遂還依父母以居又數歲父母卒第鏌甫四歲惠女撫之至于成人後鏌出為浮梁主簿復撫其姪洵年六十三卒曰
王珙妻林玳小適珙生子樞方八月而珙卒玳小年甫二十一刻苦勵操教樞底成立珙翰林簡討王儼次子也

方時興未婚妻黃淑真以烈殉

右貞女

福州府

福清縣

宋

閩

閩

元

天長縣君黃氏

劉克莊妻林氏

文紹祖妻 氏

天長縣君黃氏屯田員外郎林高妻也佐高事父母盡力治飲食衣服生子槩就學黃常治麻臬居其旁以勉之後槩仕集賢校理不壽諸孫皆幼不能歸喪乃栖吳郡斥賣簪珥經理其家絲蓄粒聚以有田宅居食日夜課諸孫學有不中輒程朴之及長遂多知名連以進士中者四人曰希曰旦曰邵曰顏曾南豐輩銘其墓曰任重于已振廢為興我積我儲乃續嘗

蒸

劉克莊妻林氏林瑒女也嫁年母喪哀慕終身從克莊行覆舟夷然如平時虜騎大入克莊當從帥督戰以其患癰未發請曰虜入大耻奈何以婢女子後君事乎克莊媿其言即發重其賢早卒而不再室焉文紹祖妻某氏者賢智婦也紹祖有子與柴公行議婚既聞柴女忽感風疾紹祖欲為子更聘妻切諫不從迺大恚我有兒當使順天理獲久長悖禮傷義徒速禍耳紹祖迺為子娶柴女以歸次年紹祖子登第柴女風亦痊後生三子皆登第

皇朝

閩書

卷之二十四 閩書

三

元

林鴻妻朱氏

林鴻妻朱氏能詩嘗作詩以勉鴻學年十九卒鴻終身不娶

右賢女

宋

李素娥以節稱

劉全子妻林氏全子仕宋為監丞宋南奔全子與林氏兄同開局募士謀復宋元人來攻全子與同拒元不克同嚙指血書壁大罵賊歿而全子出走自經元人執林詰反狀林叱曰林劉二族世為宋臣欲以忠義報國事不成天也何謂反者汝知嚙指血書壁歿者吾兄耶可玷吾兄而污吾夫吾歿且治汝地下遂遇害次年而宋亡

元

林氏女

林氏女年十九貧不能嫁隣有少年慕其色求之不得至正末烏尾寇剽掠女避地京郭外時元帥達吉擁兵鎮福清軍士橫甚少年既求女不得因軍士以通達吉達吉令其伍長強女父以聘父怖欲許之女



誓不從俄軍士叢至女據地哭曰嫁娶有禮劫以兵
有死而已達吉自往諭之女曰奴故詩禮家寧為
軍人婦乎人各有志毋相奪也達吉高其節使微諷
之可歸我乎女執益堅士君子賦詩頌美之
林佛奴字從一父全遷龍溪龍溪人有郭德明者事
寡母以孝聞全以佛奴歸之年二十七而德明卒二
子一女長方七歲姑年老且貧父母為他圖不肯至
元丁丑黃勝寇入境姑適卧病或勸避之曰敢舍姑
至正丙午陳有定取漳州亂兵殺其孫惠佛奴冒白
巾持孫不舍兵欲斷其手執益堅兵怒斷之而捨去

婦節四十六年

皇朝

漁溪林氏

陳和妻王氏

李廣妻盧佳娘

游政妻倪文

魏佑保妻陳氏

陳敏妻劉氏

林陳姑婦

李彥祥妻林珠小

鄭玄妻林懋娘

林陳姑婦 翁務之妻

林招德妻陳氏

施元衡妻陳氏

陳商妻王瓊妹

林挺妻何玉真

張季臨妻林氏

林以聰妻薛氏

林守定妻葉默

鄭汝舟妻材懋細

林鄭姑婦

林一蓮妻魏聚金

嚴士擢妻鄭勤娘

鄭從岳妻陳細舉

王應邦妻林細娘

龔孟暘妻王氏

郭世治妻何氏

林日休妻王氏

林晚翠妻謝氏

林岫妻王氏

郭應璧妻林氏

楊叔英妻王氏

何鳳儀妻吳氏

林世蓁妻吳氏

何尚友妻林氏

張孟堅妻莊翠娘

嚴有章妻莊氏

林實妻王氏

方廷揚妻陳氏

陳瑤玖妻林氏

余文宦妻林柏女

何天福妻鄭氏

卓應嶽妻張蘭娘

陳崇華妻朱氏

薛廷寵妾衛氏

鄭時化妾蔡氏

陳孔詩妻李氏

林應科妾金氏

林文鵬妻毛氏

林秉仁妻楊氏

漁溪林氏宋林希逸孫女嫁莆田林安生子迪二歲

而安卒林年二十二撫迪成人見其四孫之冠婚洪

武初 旌表

陳和妻王氏和早卒王奉舅姑以孝聞舅姑卒家貧

不能塋王日夜號慟鄉人義之助舉三喪
李廣妻盧佳娘歸廣十月廣暴卒盧號慟絕復甦見
廣口鼻出惡血啜食之既歿每哭輒僵什家人相與
抱持寬譬若不知者但曰從吾夫地下矣積五六日
家人防懈潛入寢室自經歿時洪武十八年也

游政妻倪文政多病倪事之甚謹及病革顧謂曰病
必不起吾不得爲孝子矣汝能烈乎倪泣不能答政
卒口鼻出血倪悉餽之哭踊頓絕方蘇至夕更衣哭
別室及明家人怪無聲也啓戶視之歿矣年二十有

二

魏佑保妻陳氏佑保病時隣婦有改適者過佑保之
門佑保因謂陳曰我歿汝亦似此人乎陳曰行禽也
佑保卒抱幼女哭訣翼日入寢自經年二十六
陳敏妻劉氏二十四敏卒子緒猶在腹劉誓不二庭
緒長教之讀書娶婦生孫選甫三歲緒夫婦又相繼
夭劉撫選成立

邵舜民妻林氏年二十五而寡子德洪甫二歲林氏
教子志行堅白後德洪亦早卒婦陳年二十七孫二
人嫡曰繩庶曰矩陳氏守志事姑三十餘年不衰繩
矩子孫皆循循世其家

李彥祥妻林珠小年二十適彥祥甫三載彥祥卒子該方二歲珠小養太姑林及姑陳無違禮教該能不墜其世後彥祥之兄亦早卒二子曰語曰訥皆幼珠小視猶已子焉

鄭玄妻林懋娘年二十而嫁踰年夫卒亡子力貧養舅姑以終

翁務妻陳氏年二十九寡撫幼子坦不再醮卒年七十四坦妻林氏年二十七亦寡事姑養生喪歿盡道撫三子曰銳曰銑曰鑑俱底成立士大夫扁其堂曰重貞

林招德妻陳蘭女未歸而招德溺歿陳卽適林獨處一樓織布奉尊嫜機杼聲不絕也布成人爭市之曰節女布

施元衡妻陳鏡女將婚夫卒聞而自縊母救復甦遂適施奉舅姑以孝節聞嘉靖間旌表

莆邑陳商未婚妻王瓊妹商卒瓊妹告母奔陳喪卽居之後倭寇其鄉瓊妹被執佯好寇請釋其舅姑二幼侄至賊營卽出所藏剗刀刎喉而歿賊衆驚異以錦衣衣其屍扶上坐相率羅拜隨令群婦舁以緞被置江邊遂盡放向日被虜者

林佺妻何玉真倭夷入寇佺父子被執賊質佺求賂不得遇害玉真遂自殺

庠生張季臨妻林氏嘉靖間與姑同被賊執賊欲殺其姑林求身代姑免林謂賊曰我宅前池中大金寶請導行許之既到自投池中賊刺殺之

林以聰妻薛氏既受聘矣以聰尋染惡疾當婚期中外媪勸母行薛曰彼孤貧病困俯仰何依竟歸林朝夕具湯沐人謂惡疾善傳染薛伉儷相諧無害竟舉一子年二十六以聰卒撫孤成立以壽終萬曆中

旌表

林守定妻葉默知州葉朝榮女也歸守定踰年而寡求死不得間父憐其志欲歸而贍之不聽亡何其舅林質卿納富人聘將擁迫以行默遂自刎萬曆中

旌門

鄭汝舟妻林懋細與汝舟從舅氏天佐惠州丞邸汝舟死林必從之死服毒不死引刀自裁家人覺不殊又不死後數日手決咽絕乃死惠人葉春及曰父母於子安有環視其死而聽之者林氏百死之其姑若家人百生之末之何也巴矣萬曆中

旌門

閩書

卷之二十四 閩閩

三

元

長樂何夢卜妻林氏夢卜舉嘉靖丁酉鄉薦踰年而卒家故貧遺一子起渤林年二十四矢志茹荼撫摩督誨起渤長補郡弟子員為娶鄭氏亡何又卒亡子鄭年二十有六婦姑相依紡績為命忍饑俟死絕無怨色林七十七卒鄭拮据營葬並葬其夫

林一蓮妻魏聚金未婚也以烈殉

嚴士擢妻鄭勤娘未婚也以烈殉

鄭從岳妻陳細舉未婚也以烈殉

王應邦妻林細娘未婚也以烈殉

龔孟暘妻王氏

邑庠生郭世治妻何氏 子萬程見縉紳

邑庠生林日休妻王氏 子偕春隆慶中舉人

林晚翠妻謝氏 子廷植隆慶中進士

邑庠生林岫妻王氏

郭應璧妻林氏

楊叔英妻王氏

何鳳儀妻吳氏

林世綦妻吳氏 子尚義萬曆中舉人

何尚友妻林氏

張孟堅妻莊翠娘

嚴有章妻莊氏

林實妻王氏

邑庠生方廷揚妻陳氏

陳瑤玖妻林氏

余文宦妻林柏女

何天福妻鄭氏

卓應嶽妻張蘭娘

陳崇華妻朱氏

給事中薛廷寵妾衛氏

知縣鄭時化妾蔡氏

陳孔詩妻李氏

林應科妾金氏

林文鵬妻毛氏

林秉仁妻楊氏

右貞女

閩書卷之一百四十一

閩閭志

泉州府

晉江縣

宋

魏國太夫人陳氏

謝希孟

曾氏

傅察妻趙氏

劉媪

呂良子姊妹

魏國太夫人陳氏龍圖閣直學士從易之女內翰蘇
紳之妻而丞相頌母也從易守廣州有清德為仁宗
所知元豐中神宗問頌母誰氏頌以從易女對神宗

曰天聖間學士耶從易紳頌皆嘗守杭夫人三至杭
邸題邸柱云吾少從父至此中與吾夫偕來今同吾
兒凡三閱江山之勝蘇文忠挽詞鷄鳴爲善日日新
八十三年如一晨豈惟家室宜壽母實爲朝廷生異
人曾大
陳安國妻謝希孟伯景妹也伯景母通經子女皆自
教希孟與兄並工詩賦所著詩百餘篇歐陽文忠稱
其隱約深厚守禮不放有古幽閑淑女之風

金華縣君曾氏曾會女而魯公公亮妹也嫁候官御
史王平生子五人回向固同罔皆有學行回爲有道
儒宗向罔尤有文三人皆身在隱約而聲震天下縣
君受其子祿於京師而魯公方當國然處里舍彌約
及其後回向固同皆早世人謂不堪縣君能自廣以
理未嘗亂其志教養其子孫至男有立女有歸
贈徽猷閣待制傅察妻趙氏趙清獻女也宣和七年
察以吏部員外郎遣接伴金使爲金所殺及察櫬還
携子自得自修避地于泉葬察郡西南之太平嶼即
家焉守王十朋挽辭哀能變國俗貴不御鉛華學佛
窮三昧然松教五車

劉媪壽百三歲守真文忠爲建壽母坊

呂良子其父仲洙貧儒也得疾頻殆良子年十八祝
 天請代拜且泣入夜焚鄉以祀其詞甚苦遂刃股肉
 進時譙門鼓再通忽群鵲繞屋飛噪仰視空中大星
 燁煜如月者三正照欄楹翌日父瘳平復方良子祝
 時其妹細娘年十六亦從拜禱良子卻之細良曰姊
 能之兒不能耶守真文忠表其居曰懿孝為之記
 皇朝

翁氏

杜義姑

林姆恩

黃光瑀妻郭氏

朱安期妻李氏

潘太宜人郭氏

金太安人陳氏

翁氏御史慶長女也慶奉勅巡鈔四川不避權貴又
 奉勅武當山獻玄帝眼珠賜一品服以行亡何坐累
 下獄慶無子女詣闕上書請代 仁孝皇后召入
 宮留之三月為宮中女師人以此緹縈

杜義姑蚤失父其弟華幼姑從母撫弟第稍長姑許
 人矣杜之宗人利杜母寡子幼且有所覲而姑為其
 母堅持家內外蘄然不假借杜宗人覲無所得誣謗
 之所許家為絕婚姑憤而不嫁久之弟華長娶於王
 生子昂華復夭沒姑與王用貞相堅益為杜治田疇
 濬陂塘貽子孫世世利年七十餘卒杜之子孫舉葬

之先墳傍與其先人並祀

南安鄭陽時妻林姆恩戶部郎中林性之女也少隨父宦邸通小學諸書及古嘉言善行既歸陽時生子維嶽耳則數進妾媵於陽時維嶽既就學時時佐之讀曰讀書非但欲曉其字句而已當觀古是何人能如此也當陽時兄弟折箸時不無相賴姆恩慙患為辭讓曰兒之佳惡豈在財哉至其平生不肯通官府一稅錢也曰食土之毛而闕其稅是皆有神明勾稽焉老而紡績不衰時舉敬姜之言為諸孫誦之維

黃光瑀妻郭氏年百有三歲其夫教授生徒太守趙

恒受業焉郭知書通道理恒治家嚴母訓督子孫過當趙之子孫必迎氏為解恒長跪受辭焉

參議朱安期妻李氏年百歲

潘太宜人郭氏諸生維城妻方伯洙母也父立彥為尚寶卿既歸城事舅孝謹事庶姑如其姑事夫之兄弟無所不和敬佐城讀書非城休不敢休城病太宜人已老尚侍榻寢累月少受文史無所不徹通最好太上感應篇古今格言下至本草通書亦經覽閱作詩示洙願子為官廉以德殊勝斑衣舞老萊詠牡丹

詩人生名利等秋葉惟取丹心天地裁雖漆室憂國
形管箴家未之讓也少從父京邸一一能記當日朝
政若嚴分宜張司馬主中丞陸錦衣始終成敗老而
為諸郎述之如歷焉

封太安人陳氏廣東副使金時舒母也歸處士金重
寶事繼姑盡孝或朴或譴罔不承順泉俗婦人既老
多斷遣家事拜佛持齋惟太安人巫兒齋媪絕不得
通夫之仲弟絕嗣臨沒托太安人孤女太安人居常
不使離左右于歸之時太安人疾革矣正襟危坐教
之婦道而後遣之壽九十一歲

右賢女

宋

蔡若訥妻楊氏

黃公憲妻楊氏

蔡若訥妻楊氏蕪州守友之女喜讀書通大義年二
十三寡砥節自厲書乞為寒水玉願作冷秋菰二句
于壁士大夫多咏歌之

黃公憲妻楊氏吏部尚書炳之女公憲苦學早亡母
老末疾楊侍奉不離側持喪盡哀以孝經論語口授
二子後皆知名

元

閩書

卷之一百四十一

四

元

尤惠妻李妙嚴

龔氏三女

尤惠妻李妙嚴事繼姑曲盡孝養姑改虐為慈惠蚤沒營家撫孤有司奏旌其居曰孝節年九十卒

龔氏三女上猶尉安之女也長曰益適柯允中次曰嫻適福建行省理問張仁季曰婉適劉允正皆盛年

而寡挈孤依父其貧自力陳方山稱其姊妹三人同心同氣同節前世所稀

皇朝

陳思恭妻莊氏

林琇妻何氏

莊盡娘

李邦幹妻陳氏

郭允朝妻翁順正

蔡茂思妻吳潔姿

林光妻蔡瑞金

黃玉真

阮天從妻林亥娘

王國助妻陳媚妻

蔡寬妻梁淑瑞

柯璿妻黃荷玉

莊舉妻劉淑真

南安黃逸妻蔡氏

王爵妻陳妙姬

鄭聯桂妻汪氏

蔡文馨妻莊四娘

曾氏婦姑

伍煥妻柯梅

吳煒妻莊願貞

蘇忠妻蕭氏

莊允祥妻曾選玉

楊希閔妻汪貌莊

蕭山徐黼妻李氏

謝文瓚妻陳氏

蔡任妻孫氏

朱焯妻陳氏

洪庭振妻林氏

世華妻童氏

韋元妻蔡氏

林大娘

劉萬妻童氏

王徽謨妻

陳遜妻吳氏

林知言妻陳氏

蘇希益妻陳氏

李喬新妻蔡氏

陳振翰妻李氏

徐登妻黃氏

吳從憲妾沈槐英

阮敦禮妻陳氏

梁黼妻莊氏

謝暉繼妻蔡氏

蓋昊妻楊氏

江中標妻唐氏

王顥妻李氏

黃氏三節

蔡遵課未婚妻陳氏

林有杕妻許氏

陳文鏐妻姚氏

吳廷桂未婚妻孫氏

姚楷未婚妻陳氏

許諸妻彭氏

蔡國襄妻呂氏

黃宗櫛未婚妻陳氏

南安傅廷雅妻葉氏

林梅妻李婉娘

莊信妻謝瑞姿

江甲耀妻黃氏

陳章憲妻黃氏

蘇豪齋妻李氏

柯日蕃妻顏氏

黃華南妻謝氏

吳燾妻黃氏

林應元妻許端娘

謝應祚妻蔡氏

陳廷策妻林端娘

蔡之升妻劉氏

吳鳳來妻蔡貞娘

王廷望妻周氏

南安傅禧光妻蘇氏

南安陳民安妻黃淑坤

紀廷憲妻黃氏

南安黃萬堦妻陳愛娘

安溪楊啓炤妻粘氏

徐渡妻張氏

陳宗球妻史氏

李夢璧妻陳氏

楊 未婚妻 氏

王命廢妻周氏

楊某未婚妻李氏

吳天錦妻李氏

黃熙耀妻李于娘

陳思恭海賈也妻莊生子寶四月去入海五年不還
 人曰思恭死矣誘莊嫁不許亡何思恭歸悲喜交集
 久之竟入海死誘者曰夫君真死矣可奈何莊曰寶
 在寶長請學士宋濂記思恭蓋嘗娶妻於浙中生一
 子貧寓外氏莊遺錢使營生且償思恭之夙逋
 林琇妻何氏琇年十七夭歿何年十六遺腹四月孝
 事舅姑百凡艱苦竟立孤隆何永樂間人嘉靖間琇
 玄孫士奇妻何氏亦貞節
 莊盡娘李氏子妻洪武元年李以事詣京携偕行至
 崑山李病亡盡娘歛葬畢寓書歸遺親自溺死會稽

閩書 卷之二十四十一 三百十
胡温爲賦以哀之

李邦幹妻陳氏年少孀居子松崑方二歲百苦不改

節羅文毅來泉賦詩美之邦幹能詩孫汝嘉見紳

郭允朝妻翁順正年二十四寡斷髮撫孤

蔡茂思妻吳潔姿嫁六月而寡孀居畢世完節然

郡庠生林光妻蔡瑞金成化壬寅光父死疫俗皆畏

避不敢舉零瑞金相先治歛盡禮泊卒哭光亦卒無

子瑞金悉出所藏歛光既殯自縊死年二十二

黃玉真南安吳聰妻未三載聰沒無子斷髮明志

阮天從妻林亥娘天從沒子智宗甫三歲家貧無

他近親抱兒養姑姑卒以禮終塋年八十八卒

王國助妻陳媚姜生孩甫四月夫歿一日從母往吊

外祖家回舟江中猝遇賊度不免赴水死越四月屍

浮水上面色如生年十七也

蔡寬妻梁淑端嫁十載生子祐三歲耳寬亡姑諷之

重行欲就縊以自明孝養撫孤祐見縉紳

柯瓚妻黃荷玉嫁亡何舅姑與夫相繼沒荷玉年二

十三棄簪珥治塋具父憐貧無子累欲奪之荷玉曰

兒郎餓死終不衣食累父不跡父家者廿年也

莊舉妻劉淑真蚤寡撫二歲孤及遺腹子以節終

南安黃逸妻蔡端謹文莊公妹逸歿蔡寡守三十餘年非正禮未嘗登堂接兄弟限內而已詔書旌門

王爵妻陳妙姬年十七適爵踰年歿不忍棄姑死也居一載姑為爵營壙陳請曰兩之姑曰豈易言哉妙

姬遂閉口不藥翌日卒

鄭聯桂妻汪氏弘治中聯桂客維楊溺于水訖至汪撫胸大慟投井死時年二十三

蔡文馨妻莊四娘蚤寡撫二孤長者四歲幼者踰月舅姑俱老莊服勤為養二孤竟成立年九十終

官氏婦姑生員澤妻李舉人一誠妻吳皆早寡時伍熾妻柯梅熾沒再閱月其襁中兒復殤柯夜歸寧

與父母盡語返舍從容起居舅姑沐浴櫛髮易服自縊家人驚救弗及時年二十三

吳煒妻莊原貞歸未幾煒卒煒臨盡而願貞許之死矣既卒父母知之以其祖母與卧起莊辭祖母曰吾

夫無與為三年服者吾何忍死祖母還報其家其母尋諷以他適願貞憤而自縊

舉人蘇忠妻蕭氏忠遊清溪驟卒于舟次報至蕭慟哭殞地出殮殯于溪澣還家不食者九日翌日奠几

筵畢至柩所哭盡哀歸沐浴盥櫛閉戶留一婢侍而

懸帛自縊帛忽斷婢悸顫伏號蕭麾婢出而遂死
莊允祥妻曾選玉家貧早寡罄資塋夫服闋舅姑欲
奪之選玉以死自誓所以孝養備至既老諸子遵教
閨門嚴肅邦人稱焉事聞旌表

庠士楊希閔妻汪貌莊年二十三希閔死無子欲自
經家人防之輒自嚙舌出血家人防益謹貌莊度終
不得聞茉莉有毒能殺人取之煮為湯貯卧內家人
不知也希閔死彌月其家延僧誦經貌莊為祭文詞
甚悲也夜五鼓家人倦休矣貌莊入卧內更衣取湯
飲之天明死正德中旌表

蕭山徐黼妻李氏黼為晉江訓導娶李為繼室未幾
黼卒官父母誘歸欲嫁之遂圖自盡於是聽其還蕭
葬畢毀容自守撫前妻子若已出前妻子死撫其孫
孫死撫其曾勤勞白首不怠嘉靖中旌門

謝文瓚妻陳氏早寡撫孤孤復天居宅被兵燹立嗣
存祀術恤終生嘉靖中旌表

蔡任妻孫氏年二十二而任沒撫孤事姑不懈也居
五年孤夭姑亡孫曰已矣遂自縊嘉靖中旌表

宋焯妻陳氏早寡撫孤孤死服毒自盡嘉靖中旌表

洪庭振妻林氏嘉靖中旌門

世華妻童氏嘉靖中旌門

韋元妻蔡氏夫亡時年二十六以死自誓事舅姑孝謹病侍湯藥易燥濕舅姑繼歿殯葬如禮嘉靖中旌表子起宗見閭巷

林大娘余汝麗未婚妻也汝麗商于外舅姑預迎以俟婚汝麗死林聞訃而自盡嘉靖中旌表

劉萬妻童氏家赤貧竭力奉姑遺腹生子因命之大遺撫教之後大遺舉進士嘉靖中旌門

王徽謨妻蔡氏徽謨居安平鎮娶七日出行賈歲餘卒蔡守節奉舅姑賊入里門王挈家避賊蔡扃戶號慟曰幽婺不踰閩寧死姑楊曰柰何以抱梁之行累吾一門強昇行賊退室火蔡還憑故寢不去舅姑憐而為再構之孀居者五十餘年

陳遜妻吳氏年十八生子春五月遜卒吳甘荼撫教之春婦許事吳盡孝後春子用賓仕至大官吳年八十三許年九十二並得封贈人謂天報節孝姑也

林知言妻陳氏
南安庠士蘇希益妻陳氏嘉靖季為倭所擄乘間投水倭剽之矛罵愈亟遂與幼男俱死

李高新妻蔡氏夫卒蓬垢紡績育其二孤子嘉靖季

賊至焚夫柩僚次孤蔡痛憤大慟自刎於前和賊駭愕舍長孤去萬曆中旌表

南安陳振翰妻李氏長史聰孫女年十九夫歿遺孕四月生男撫之以苦節終萬曆中旌表

徐晉妻黃氏嫁六月夫卒以烈殉萬曆中旌門

參政吳從憲妾沈槐英淮安人也參政病槐英預自矢及卒死焉

阮敦禮妻陳氏

庠士梁黼妻莊氏二十五而寡撫遺孤懷仁慈而能教懷仁少年科第為名士莊壽八十餘嘉靖

庠士謝暉繼妻蔡氏嫁未幾寡撫前子繼宗亦為庠士繼宗無年遺孤九思五歲復撫養之旌表


蓋吳妻楊氏早寡撫育二孤世英世雄備極貧苦忽患足瘡出野拾偶有蛇走從瘡處涼氣達心膿血迸流移時足愈人謂節感世英兄弟念母事之甚孝而世雄事世英亦盡庶人之悌

江中標妻唐氏蜀相唐時興妹也標卒兒殤自矢必死姑勉以立孤長瘡艱難拮据四十餘年旌表

王顥妻李氏顥歿李矢節自堅寘一織寢室不戶外四十餘年

黃氏三節其一曰秦氏黃高焜之妻也無子生子燿則側室柯出而又有側室曰施者亦無子高焜後三婦共守一子人曰秦為妻也柯為母也施何居焉燿後領鄉薦並稱施為母矣
 陳氏蔡遵課未婚妻也遵課從父賈客死訃聞陳語父母曰必死遵課喪將至陳氏輜而奔之輜外向示不返也既入門謝舅姑曰不能養蔡氏之人或勸其之曰吾若不死不入此門自是絕粒斃萬曆中
 庠士林有棧妻許氏有棧館於陳陳兄弟不睦第將毒兄有棧誤食之立死有棧子亦適死氏由鄉居奔赴郡館持喪百日自縊於柩側曰所以報夫之仇在此命矣仇竟不得他解脫事聞旌表

惠安庠生陳文鏐妻姚氏少通孝經烈女傳文鏐卒姚賦詩剪髮納柩中也屈五旬為文辭家廟已奠文鏐已拜姑已遍拜諸親黨而遂自盡萬曆中旌表
 吳廷桂未婚妻孫氏幼解經史萬曆中廷桂死孫欲奔喪母兄與其諸父共尼之不能也遂以奔喪之禮往命之輿曰奔喪也輿哉入夜徒步往挾吳所納采雙金爵以見舅姑拜畢奠柩側無離次而言其死期吳家故貧治棹榜取具而已好事者助其舅資使治



羨木孫聞之曰死而資夫人木耶家人曰舅所治也
走視之曰木以羨逾吾夫非禮矣卻之以樁櫛來乃
許之屆期縊死書衣帶中云男母附尸女無啓衣
姚楷未婚妻陳氏楷病故陳躡踊奔喪堅餓而死萬
曆中旌表

許諸妻彭氏者家至貧夫死朝夕哭奠不廢禮聞孫
氏之尅期死也同日而自縊

庠士蔡國襄妻呂氏國襄歿呂歛其簪筵筆研納之
懷袖日三七懸帛自縊萬曆中旌表

黃崇孀未婚妻陳英娘烈殉萬曆中旌表
南安庠士傅廷雅妻葉氏萬曆中旌表

林梅妻李婉娘二十而寡一子在抱每祝天曰願孤
兒成立使妾終爲林氏母
莊信妻謝瑞姿年十九生子甫三月而信卒伯氏賂
媪用針刺其孤幸救得活嗟泣曰伯氏刺孤利第產
耳何有是出舍於外盡以讓之

江甲燿妻黃氏甲燿久病貧穢氏敬奉無厭惰侍寢
而啗其餘甲燿卒屋小無可以厝柩旣歛卽欲出瘞
之黃曰請待旦入房沐浴自經死

陳章憲妻黃氏章憲入海賈呂宋爲宋夷所殺訃至

矢死姑勸止之強居三旬闔戶而自經
蘇豪齋妻李氏年廿六寡撫孤不胤苦節竟生

柯日蕃妻顏氏日蕃亦入海賈而死於宋夷者顏號
哭欲死其父謹護之擁歸顏若為不死也及小祥告

父曰女雖不死可無歸奠許之奠畢乘間而自縊
黃華南妻謝氏以烈殉

吳燾妻黃氏嫁一年夫卒密取歛餘布自縊死
林應元妻許端娘夫歿密藏歛餘帛小祥自縊

謝應祥妻蔡氏夫卒引帛自縊帛斷泣曰孕乎祝以
焚弗孕也越七日遂死

陳廷策妻林端娘未婚也聞廷策訃寄聲曰無殮也
往死之父曰而何往雖許矣未幣也端娘曰幣與許

奚擇哉父謹防之曰女何往不得死顧死陳避耳父
曰婿家貧孰周身曰身也乎哉曰婿家貧死孰標名

曰名也乎哉遂往言死期及期理帛自經三拱而絕
陳故家青陽山下山下人言婦將赴烈山鳴三

蔡之升妻劉氏之升夭歿劉年二十以烈殉
吳鳳來妻蔡貞娘年二十歸甫二月鳳來旅沒貞娘

晝夜悲號俟櫬歸遂自盡也
庠士王廷望妻周氏廷望夭沒求死姑偕其嫂媪環

守之乃寬以小祥不令知也屆期奠廷望而自縊

南安庠士傅禧光妻蘇氏尚書蘇茂相妹也歸逾年

禧光沒蘇請姑立後拜父兄訣別時尚書以學使家

居語尚書曰兄官學使弟敢負昧闔戶自縊去禧光

死之日九也

南安庠士陳民安妻黃淑坤夫沒一子復殤淑坤哭

拜夫位遂就縊

紀廷憲妻黃氏

黃萬塔妻陳愛娘萬塔早孤育於其叔父叔父行賈

于長泰萬塔娶兩日往訪之歸渡海溺死愛娘縊而

殉之其祖姑諸父若婦之父母強之生不得也

安溪楊啓炤妻粘氏以烈殉

陳宗球妻史氏宗球死史必殉之有期矣尚攘袂為

姑釀酒姑曰婦幾何日在人世尚為我釀耶曰政為

日短故釀而奉姑將死告舅曰母髭婦木事聞旌表

岸生李夢瑩妻陳氏以不食死

徐渡妻張氏嫁而渡病雖成婦猶處女也渡卒大祥

張不食數日死

楊 未婚妻 氏

王命賡妻周氏禪除之日截髮就縊

李氏許適慶遠同知楊維清孫某未字而以烈殉

吳天錦妻李氏天錦出行賈家故海濱寇作宗人要

李偕姑出避李以姑老謝不從獨閤戶相依聞天錦

死絕粒且殉俟其父母防稍懈入室雉經端拱如生

黃熙耀妻李子娘歸熙耀事舅姑族稱孝婦熙耀客

死矢必殉曰苟歸耀骸得同穴大願不則耐先姑焉

臨盡戚屬哽咽李獨宴如對天頂禮者四投繯而逝

右貞女

泉州府 南安縣

宋

張徹妻呂氏

徐伯嵩妻傅氏

張徹妻呂氏光祿卿璫之女徹蚤卒誓志不二賑饑

棄責為德於鄉教子過登進士及卒端坐而逝柯述

許公轂為作賢母傳發運使胡師文狀于朝

徐伯嵩妻傅氏朝散郎烈女兄伯嵩登進士仕終邑

令家貧親老三子皆幼傅奉舅姑治喪祭中禮訓子

成學國錄黃以寧銘其墓曰婦也丈夫母也嚴父

元

楊真祐妻方義

楊真祐妻方義生子光澤而次子光俊妻陳所生義

二十二而寡與陳守志持家均桑鳩之愛邑稱賢母

皇朝

李義姑

蘇氏兩世姑孫

李義姑年十四父陷大辟姑攀訴竟不可脫時母兄先歿二弟一侄尚孩姑所以撫之萬方既成立聖媪來言可覓仇儷姑笑曰吾已塋丘壠年八十卒海上稱為貞孝義姑

蘇真寧妻陳氏以節著孫以睿妻陳氏以孝著嘉靖中人崇禎初旌表

右賢女

吳欽遜妻周婉姿

黃欽祥妻莊氏

合州訓導洪慶妻余氏 趙文妻陳珠

李溥麟妻傅氏 訓導黃思詔妾陳氏

洪有臨妻史氏 庠生黃守惠妻傅氏

未婚妻傅氏 王西忠未婚妻許氏

吳欽遜妻周婉姿夫亡僅一遺孤方在携父母欲奪其志周曰吾不知書而知從一

黃欽祥妻莊氏夫歿蓬垢治女工撫三子長厥初天次厥仲長娶陳生孫密未踰月復天陳年二十三姑婦抱一月兒相嚮哭復相慰相依迨密長且有孫莊

顧陳復相喜也而相泣也者

合州訓導洪慶妻余氏浙西安人慶卒余年二十四
邑值寇亂人皆逃匿余獨抱二孤守柩勤女工積其
所業賣以營葬後二子皆成立以壽終

趙文妻陳珠二十三而寡壽八十二嘉靖中旌表

李溥麟妻傅氏夫亡無出撫其妾之三穉子以底成

立生平無疾言遽色事事有條勤儉而家道興

訓導黃思詔妾陳氏思詔沒氏誓必殉時其嫡子一

良成進士在京師陳俟一良歸乃自縊

諸生洪有臨妻史氏二十五歲而寡獨守一子啟聰

後啟聰舉進士為郎詔書旌表

庠生黃守惠妻傅氏年二十二守節事姑以孝聞

未婚妻傅氏田家女也夫死自縊令趙時用

為合葬

王酉忠未婚妻許氏年十八酉忠客歿聞計自經

右貞女

泉州府

惠安縣

宋

盧氏

盧氏蔡忠惠母忠惠慶曆初為諫官有陰殺非當者

閩書

卷之二十四十一

閩

元

屢封還仁宗遇忠惠益厚曰有子如此母賢可知特賜冠帔以寵之

元

恭人陳懿

恭人陳懿字孤徽盧琦妻也幼涉書史事琦三十年賓敬如一日遇事規箴琦所至以循蕪稱琦歿吏民咸致奠賻恭人曰君生不貨死而貨之非其志也一無所受

皇朝

布政莊應禎妻洪氏

布政莊應禎妻洪氏年百有五歲對子孫言嘉靖時朝事甚晰也

右賢女

陳仲憲妻王氏

方吉妻蔡氏

黃濟妙妻江氏

何伯瑾妻林氏

陳文妻郭氏

通判莊政繼室王氏

生員莊珊妻吳氏

洪昶妻張氏

丘懋敬妻林氏

林氏

陳仲憲妻王氏歸仲憲八年而寡子禧甫六歲姑柳在堂撫姑養子禧亦夭又撫孤孫疇至成立以壽終

方吉妻蔡氏

黃濟妙妻江氏

何伯瑾妻林氏成化間旌門

陳文妻郭氏

湖州府判莊政繼室王氏生一女政沒年二十二撫

前妻子有恩資送已女不與前妻女等人難之

生員莊珊妻吳氏以烈殉

洪祖妻張氏萍鄉知縣綸之女年二十餘祖天沒無

子氏誓守獨居撫二庶弟成立相以內斬如也

丘懋敬妻林氏年二十于歸孝養舅姑倭虜入村氏

看如脫難下何夫故撫遺腹子民俊具有終始

林氏許婚李氏子將及娶李氏子溺死報至大哭廢

食寢父母議媒灼遂自縊後十餘年邑令羅繼宗聞

其事為改葬歸骨于李氏子之丘

右貞女

泉州府 德化縣

皇朝

林長娘

林長娘邑民德茂女也蚤失母父死時有弟宗源八

歲而長娘年十七矣臨盡謂之曰汝可字人然為我



撫幼子成立而後出門則大善也父沒長娘撫宗源竟不字壽八十一

右賢女

宋

陳得環妻黃桃娘

陳得環妻黃桃娘得環外死計至痛絕亟尋屍歸葬母逼令再適桃娘澣衣於門外池遂投池死

皇朝

劉惟義妻蔣九娘

曾阿原妻張珠娘

陳濬九妻

仙遊曾光圭繼妻黃氏

劉惟義妻蔣九娘

曾阿原妻張珠娘年十九適二年生一子儀甫數月

阿原沒撫儀教之既長為邑庠生年甫二十四而沒復為儀立後以壽終

陳濬九妻

嘉靖季流賊突至與濬九倉卒抱週

歲兒同匿山中賊獲夫免之而欲辱其妻強不可忍

其兒撫兒慟哭罵賊甚厲遂被害年二十有五

仙遊曾光繼妻黃氏

右貞女

泉州府安溪縣

閩書

卷之二十四十一 閩閩

三

元

皇朝

庠生詹璉妻林玉脩

陸大妻何觀奴

楊魁杰妻詹鳳女

晉江林泗妻李純香

王桓一門三婦

詹鳳翔妻黃大娘

黃門四節

丘應賓妻李氏

林鴻賓妻黃氏

林應得妻王氏

詹仰賢妻黃氏

許志超妻葉坤隨

庠生張問行妻李氏

庠生詹璉妻林玉脩璉卒時子清在襁源方娠五月

璉父母憫其貧若諭使再醮哀慟不已日人有二次

作媳婦耶源後登第事聞旌表

陸大妻何觀奴

楊魁杰妻詹鳳女夫溺水死詹年二十三哭三日得

屍歸葬如禮孀居五十年卒

晉江林泗妻李純香年十九泗贅其家甫五旬歸省

病劇報至純香徬徨終夜明日馳至夫家泗死矣伏

屍哭不絕聲水漿不納者七日姑強之進少許卒哭

昏梳沐縊死今子孫世祀忌前一日滿室異香嘉靖

十八年旌表

李玉真者晉江庠生王桓妻而洪氏者玉真之媵也

閩書

卷之二十四 閩閩

后

元

而黃氏者則桓曾孫庠生輔婦桓卒玉真所生二子
 燠燔皆幼未幾燠復殤母家諷玉真改志玉真引刀
 自刎洪氏趨前抱持之遂從玉真守節撫孤而黃氏
 年二十則輔卒事姑教子一守李氏遺法一門三節
 婦俱萬曆二十二年旌表李洪本邑人黃則南安人
 也

詹鳳翔妻黃大娘年二十三而寡遺孕七月對夫靈
 自矢曰所不死者冀一脉耳已生男獨居一室松貞
 水止莫可方譬也

黃代妻林氏適代未子為置妾龔生子琮而代卒林
 時年方二十有七及琮娶婦謝生二子琮又卒謝氏
 遇劫賊被執死之林撫其二孫敦睦宗族捍衛外侮
 有丈夫風後其曾孫願孝者為邑庠生亦蚤卒婦謝
 氏育其四歲男又值嘉靖兵荒之季拮据撫孤年八
 十餘玄孫龍標娶許許見龍標瘠弱亦為置妾林生
 子師曾標林繼沒許又撫師曾有成人稱黃門四節
 婦

晉江舉人丘應賓妻李氏守節旌表應賓事父母孝
 亦得旌

郡學生林鴻賓妻黃氏生子應朝不數載鴻賓應朝

相繼卒遺二女每哭夫慟子時時絕也舅姑憫之曰
吾家不可居婦母他圖耶輒慟哭指天曰吾林門故
以詩書孝德傳家作此重行不殞墜耶自是孝敬有
加

舉人林應漢妻王氏應漢卒孤孀等幼其季尚孕王
自廿八操貞以至八十勞瘁如一日孀以孝稱

詹仰賢妻黃氏

葉坤隨邑窮山女也嫁許志超年十九為夫婦七月
耳志超病死坐卧匱側不離次越三日焚香請告剪

髮誓死絕飲食者五日姑強之歡米湯而已或勸之
曰婦誠自苦顧我等居深山中幽遐僻昧誰知而旌

揚之者婦曰盡吾心耳矣永訣之晨諸姊妹悲泣不
自勝婦顏色如常拜謝舅姑及夫之弟自縊死萬曆

二十一年也事聞旌表

邑庠生張問行妻李氏嫁一載問行卒去之五旬自
經而從之

右貞女

泉州府 同安縣

宋

楊氏女

楊氏女父安國患血疾經年不愈女取肝爲粥以進
父疾隨瘥里人林士元有記

皇朝

洪溱妻葉氏

侍郎洪朝選妻蔡宜人

鄭星女

洪溱妻葉氏洪侍郎朝選母也其始入門舅氏已即
世獨其姑在姑有二女皆未行宜人出其簪珥衣服
上姑曰以此行長姑曰以此行次姑姑大喜朝選舉
進士受封時諸貴人母相與酒席歡宴車服華煥婢
女靚麗宜人獨居鄉課諸婢僕耕織而已家事外語
絕口姊妹間朝選權稅浙關三年蒲借貸歸宜人曰
善勸溱資給之至其叅政廣右頗用刑威宜人聞不
善也謂杖人至十足矣何用重之每遣人至邸舍必
語以汝告汝主我語如此

侍郎洪朝選妻蔡宜人其父大賈也而適朝選爲諸
生入其舍始識世間有所謂樹者朝選家庫狹淖泥
滿庭蛛絲垂繭網戶粘壁宜人安之遇客至或餉田
夫親與龜媪厨婢均勞苦見洪家紡織心悅之晝夜
從妯娌姪女輩學紡久之其紡縷可襍苧紗蠶絲織
爲衣布乃與坊郭中上家婦女衣布不二從官邸舍

紡績啖菜食糞而已嘉靖中避寇周氏妹之堡賊忽至堡下宜人指井與朝選訣曰堡若陷索婦於此

鄭星女幼約婚魯氏魯為不善義當絕女終身不嫁

遂能化其一家兄弟三人不折居而星女為主內政

其兄宗貴者年三十餘喪偶感女弟之義亦不再娶

右賢女

皇朝

許梅

林氏

諸生洪伯大妻許氏

林三娘

郭貴貞妻葉氏

劉琛妻林氏

吳二娘

生員呂潤妻陳氏

進士李一陽妻莊氏

諸生王式妻吳氏

蔡士訓妻洪四娘

海澄庠生林鳳翔妻

黃士觀妻趙氏

康璿璣

林伯謙妻許氏

儒士張鳳岐妻陳氏

通判蔡宗德妾楊氏

黃日望妻陳氏

池宗寶妻鄭氏

生員蔡貴成妻許氏

舉人陳思誠妻黃氏

廩生吳泰妻康氏

劉懋昭妻李氏

張仲巒妻陳淑蘭

劉陳姑婦

李億妻張秋香

庠生張安垣妻黃氏

盧真賜妻陳氏

王廷岳妻許九娘

黃應考妻盧閨貞

陸鰲軍餘林華妻莊氏

葉啓翼妻陳氏

張廷諧妻許氏

趙三娘

陳大娘

陳思程妻林細娘

黃養沛妻 氏

許梅適宋隱山子夫得痼疾梅奉之恬然夫死不二

父母憐其少逼使再適臨遣投海死潮漲而屍不流

林氏婦於王蕩子也婉事無忤養姑盡孝一日王淫

某氏女女父猾胥獲之將殺焉王百方求免不許曰

吾女汚矣誰歸者必棄若婦而納吾女乃可王曰幸

甚胥甚王誣婦姦詣官判離女粹被逐歸父家不嫁

私遺姑餉其後胥女生二子矣夫商於外為盜所殺

胥女旋棄去婦聞涕泣逐屍朝夕饋奠而養其子

諸生洪伯大妻許氏歸伯大初乳不育即為置妾陳

氏生二子育如已出伯大邁疾革度不可起水漿不

入口數日伯大卒殯殮畢收其遺書付陳曰慎貯之

後日可示兒也潛入卧內自縊而死

林三娘年十六適邑士王湍六月湍沒三娘以死自

誓翁姑與母皆憐而欲嫁之則不可翁姑逼之歸林

欲俟其母徐奪之三娘蓬垢三年足不出戶母密以許富室劉氏子三娘聞故乃於忌日往王飲毒發嘔鷄啄其沫盡斃姑始覺之令歸母家三娘曰是日為王氏鬼矣復焉歸耶撫膺大慟姑令婢媪十餘人拽之歸而其母自是亦欲強奪之三娘謂母曰女今嫁矣膏沐笑語異於平日其母信之令媒告期於劉至日方設席待倩竊入卧內死事聞旌表

郭貴貞妻葉氏旌表

劉琛妻林氏年二十一而寡治夫瑩穿二壙焉夫兄

誓鄉人義焉謫其夫兄弟而勸復其產事聞旌表

吳二娘字劉仲芝仲芝病故訃至父往吊吳泣謂母曰兒從幼締婚仲芝今其親老矣一朝不淑往臨其殯無乃義乎母遂與偕至殯所觸地求死衆抱持乃勉服喪卒哭後有顏某者令媒求婚吳誑其母沐浴而自縊事聞旌表

生員呂潤妻陳氏年二十喪偶哀毀絕粒姑讓之曰汝欲以二喪累我乎乃就食三年食不過再面無開顏適母家有伺其意者曰室磬年艾而又無子何所底耶陳拂衣起告姑曰生啓人伺不如死也計夫死



於嘉靖壬辰年十月廿四亦以十月之日更衣飲毒
告夫靈曰生同君年死同君日家人驚灌解之越三
日乃死

進士李一陽妻莊氏陽登第待次銓部以疾乞歸計
於途莊爲位而哭哀毀逾禮極至自縊死
諸生王式妻吳氏嘉靖己未避倭大登寨中寨陷被
擄罵不絕口賊怒將殺之有告賊曰此大家妻可挾
以索贖乃令嫗扶之行適道旁有泉深數丈遂投而
死人名泉曰義泉

蔡士訓妻洪四娘年二十二嘉靖己未避賊大登嶼
中反遇賊賊迫之行頓坐於地拾瓦石擊之厲聲哭
罵賊怒殺一婢恐之不爲動已又殺其女及二稚子
愈益哭罵賊度不可脅乃刺之中脣洞膈無血賊怪
駭而去時同避賊者伏翳莽中共憐其死爲埋屍淺
沙中比賊退已四十九日士訓發殮顏色如生
海澄庠生林鳳翔妻葉氏年二十夫亡事姑孝謹嘉
靖季倭入寇葉歸喪父喪與衆婦避賊涉淺溪猝遇
賊衆婦被執葉獨抗不就賊刃其胷大罵曰死賊何
不速殺賊劊唇吻猶罵不絕死之

黃士觀妻趙氏年二十夫死即其夫之生日亦死

康璿璣聘儒士葉秀春秀春卒康告其父母願一臨
殯所既至哀慟不自勝遂竊自縊旌表

林伯謙妻許氏隆慶二年伯謙死許自投於井中

儒士張鳳岐妻陳氏姑寢疾與夫奉侍湯藥惟謹姑
歿夫亦病陳日減晨餐顛天願代泣謂夫曰倘不諱
當從逝不多食君一飯也既夫死遂死

徽州府通判蔡宗德妾楊氏通小學勸世諸文宗德
卒京師楊投繯者再爲嫡泣留因與嫡共撫其子成
以貞潔終萬曆二十四年旌表

望妻陳氏

池宗寶妻鄭氏宗寶死有豪行賂求婚日三四至鄭
斷髮減餐窮年坐一小軒紡績即母家去咫尺不跡
也晚歲長子構宅請同居鄭曰此汝父舊廬吾將死
此竟不往卒年八十六

生員蔡貴成妻許氏

舉人陳思誠妻黃氏

廩生吳泰妻康氏嫁四月泰死康縊而殉之萬曆中
旌表

劉懋昭妻李氏夫死懸梯而自縊

張仲戀妻陳淑蘭

張英時妻劉氏夫歿子思睿方週貞守十九年而睿
又夭取夫兄子思頊爲嗣思頊長博通載籍剛直好
義壯年客死於外妻陳復辛勤萬狀教育五子悉至
成立人謂婦姑雙節

李億妻張秋香年十四于歸未及三載夫亡男女無
出或勸再醮哭曰吾夫庶出今已矣嫡姑無依將置
何地茹荼孝養凡十九年姑終塋祭以禮正圖立嗣
其人遽亡慟哭失望年八十一以完節終

庠生張安垣妻黃氏年二十而寡

盧真賜妻陳氏真賜死陳有遺腹矣越二月舉一子
踰年子不育遂自經

王廷岳妻許九娘廷岳死及小祥其四歲之孤殤九
娘自念死及大祥其母來王氏九娘給母曰女病甚
去此里許有神祠爲女一禱母疑之方躊躇九娘曰
必亟歸母去未半途雉經死

黃應考妻盧閨貞年十六夫死總帷將徹矣歸辭父
母不宿而旋見舅姑容詞宛下人莫覺也至夜分沐
浴更衣死

陸鰲軍餘林華妻莊氏夫久日病罄衣資求醫及歿
卹地出血死復甦棺殮畢自縊死

葉啓翼妻陳氏嫁三月啓翼死暨五旬取所藏小刀自刎于靈前歲萬曆辛亥也

張廷諧妻許氏合卺三月而諧歿雉經殉之足不離地顏色如笑

趙三娘幼許何公保未婚也公保死三娘年十六則約何氏姑來與奔訃變服執喪月餘骨立母訪而憐之欲携之歸三娘遽扃戶爲必死計母若姑倉黃排門擁去旣至家雉經者再父母不得已復歸之于何出門曰吾不反矣卒哭之辰沐浴更衣拜訣翁姑父母時鄉鄰驚異咸集而母猶持之泣三娘謂其母曰爲臺吾將登臺而後死母出遂經於卧內

陳大娘諸生陳開春女也許聘呂重熙重熙卽世大娘聞訃素服而白鳥適呂家婢來歸奠餘遂請其母奔訃母猶豫未忍氏卽諭呂婢約其姑來夕與俱往入門拜舅姑畢服衰麻旦暮哭已賣簪珥舉奠以臘月之朔日梳沐結束取婚帖納袖中手白練授二婢二婢泣大娘顧笑遂投環死

龍溪陳思程妻林細娘通書史思程死細娘及大祥死殉之致書其父曰父全而生女全節而歸之死亦生也

黃養沛妻 氏以烈殉

右貞女

泉州府 永春縣

宋

留恭妻徐氏

留恭妻徐氏忠宣婦也為女時端簡有儀歸留氏奉忠宣無違禮邵陽之貶徐服勞中饋供子婦職忠宣忘譴焉好觀經史見子勤勵則悅故子元剛亦登甲科而篤於孝

右賢女

宋

林老女

洪晚成妻留氏

林老女及笄未字紹定庚寅寇犯邑女入山避之粹與遇欲污之不從度不得脫給之日家埋金帛同歸取之入門大呼曰吾死家豈外辱寇怒殺之越三日面如生 本宋史邑志作張氏

洪晚成妻留氏忠宣六世孫也歸數歲晚成當遠戍囑留曰我歸末期母老無他兄弟奉養仰汝矣逾年晚成卒留年二十四誓死不嫁撫育幼子備其旨養姑姑寢疾累歲奉湯藥無懈及卒哀毀逾時嚮室廬

國朝書

卷之二十四十一 閩閩

三

元

供喪葬

皇朝

顏晁榮妻婢

林養妻鄭仙娘

尤瑚妻顏長娘

庠生顏濬妻潘蕙蘭

庠生鄭慶妻黃荆梅

尤文炷妻林栢娘

顏晁榮妻盛氏嘉靖元年汀漳寇至晁榮應募從征

寇分他道掠其境盛携乳子希進幼女蘭英與養女

陳珠避于安林卒遇賊欲污之不屈賊怒屍解躑躅

之既欲刃希進珠翼之獲免獨携蘭英驅迫行數里

希給賊曰妹纔九齡若釋之則吾與汝俱賊如其言

顧防之不懈及邑令柴鏞來攻賊賊出戰於茄湖

遂死人言是主母是婢子黃燕夫三策定事盡殺

林養妻鄭仙娘年二十一而寡無出僅一女立後復

天歿已夫兄弟亦歿長娘忍貧養女以完節終

庠生顏濬妻潘蕙蘭

庠生鄭慶妻黃荆梅年二十一寡抱二歲

女與遺腹子誓志鞠育有賂其父欲娶之者一跡不

歸寧舅姑憐之使其二孤與諸子均產舅姑歿荆梅

盡舉以還其諸子忍貧孀居者五十二年

尤文炷未婚妻林栢娘炷死氏奔喪絕粒七日自縊

右貞女 妻林氏 夫歿 遺孤 幼而失怙 母教 終身 守節 泉州衛 其子 幼貧 誠苦 年五十一 卒

皇朝

指揮張盛妻朱貞玉 夫歿 張淮妻王氏 夫歿

郭門三節 郭椿妻洪氏 夫歿 郭民守妻楊氏

鄧氏三世節烈

泉州衛指揮僉事張盛妻朱貞玉 十七而寡 嫁未逾年也 而有遺腹子 是時盛母李祖母火泊祖姑張俱無恙 貞玉敬養三母 治三喪 撫夫三弟 家事盡落 乃抱是依 外祖蔣以居 外祖母欲奪其志 貞玉竊入寢

室 自經 家人覺解之 自是無敢復言者 老而隣里親戚罕識其面 事聞 旌表

泉州衛千戶舍人張淮妻王氏 嘉靖中旌表

泉州衛中所百戶郭懋妻施氏 懋蚤世 施氏奉姑 監孤 懋弟瑄 借職 登而撫之 正統乙丑 瑄捕賊 德化戰歿 四子復幼 妻張婦陳皆相與 矢志明節 兒無常母 產不自私 時稱郭門三節

庠士郭椿者 郭瑄三世孫 椿早卒 妻洪 日閉一室 非忌 晨不登堂也 孫子長成 恒揭孝經 三言示之 曰 天之經也 地之義也 民之行也 此吾所聞於為女者也

壽九十餘卒

郭民守者椿姪孫民守以軍舍人死倭訃至妻楊欲死矣以有身強粥既得雌所親諷之更嫁唾不顧也姑陳氏或微贊之楊久閉視不言轉面瞳目曰媪亦出此言耶陳曰身故孀婦何敢敗爾志立繼可乎輒曰婦大與媪異媪子婦否居三月竟死年二十

鄧氏三世節烈泉州衛百戶鄧炳妻權氏炳故遺孤城甫三歲家徒壁立權茹荼撫教城奮跡武科歷官副總兵有名於時矣後炳孫銓曾孫中溥華清皆蚤夭其三婦皆節烈自著銓婦俞中溥婦林華清婦蔡

命以節林蔡以烈

詔旌為鄧氏一門三世四

氏節烈之門

右貞女

泉州府

永寧衛

皇朝

惠安錢寶妻何氏

錢寶妻何氏寶廬江人

國初以軍功授鳳翔衛

百戶陣亡何年二十四長子禮尚幼次子忠遺腹攜歸撫育洪武初追論寶功以禮襲職未幾復夭何泣謂忠曰父兄一綫可不勉與忠後以父廕陞授崇武

正千戶何就養封太宜人壽八十餘終

右賢女

趙妙緣姑婦

歐陽寨妻

朱冕妻陳三娘

高浦所千戶孫榮妻

祖氏

趙妙緣字景福年二十歸永寧衛指揮僉事丘遇長

子琳居二年琳卒撫孤榮至襲官又復卒榮妻王貞

潔奉姑人稱雙節後皆以壽終

歐陽寨本衛人嘉靖季倭陷城寨妻與其姑及其夫

弟被掠而有諸生楊敬中者其家西賓也亦在掠中

賊俱閉諸人房室中寨妻欲死恐無計出其姑與其

夫弟語敬中曰願君以婦私我告賊質婦君目求與

吾姑及吾夫之弟出曰且圖金為贖賊悅婦艷信而

許之度行既遠持刀黥面罵賊不已賊怒焚之於火

中

永寧衛前所百戶朱冕妻陳三娘嘉靖間值倭亂冕

血戰陣亡三娘年二十七欲死殉之念姑在四十年

倭陷永寧城挾姑逃難被賊面斫一刀姑病孝養湯

藥姑歿稱貸資葬

高浦所千戶孫榮妻張氏榮早卒張年二十四無子

及塋營二竈焉姑與其兄強之再適曰二竈在彼至夕自經死

祖氏崇武百戶宗源女嫁同所黃舍人舍人死祖守節不二其姑亦寡婦也謀重行惡祖節欲壞之氏悲憤自縊死

右貞女

閩書卷之一百四十二

閩閩志

建寧府 建安縣

五代

余敬洪妻鄭氏

余敬洪妻鄭氏南唐將查文徽平建州鄭為亂兵所獲以獻於禪將王建封建封欲犯之鄭不從脇之亦不屈建封轉歸文徽文徽亦欲犯焉曰王師吊伐宜旌賞節義以勵風化王司徒出行伍亡怪也君侯為國上將亦若是耶速殺我文徽媿而歸之

宋

曹脩古女

曹脩古女脩古明道中知興化軍卒貧不能葬吏民
賻錢五十萬拜酹堂下前白所以家人未及至女哭
曰我先君居朝以清節自立不幸終于貶所今臨財
苟得尚何面目日夕哭泣帷中幸趣持歸吏民
慙罷

元

雷德潤妻游氏


雷德潤妻游氏善書有文無子默禱于神夢黑熊行
天遂生機機貴贈建安郡君機妻危氏亦贈建安郡
君通書記作字有楷法善治家事人謂婦道母儀皆
可無媿

皇朝

陳宜人妙善

陳宜人妙善宗人府經歷張珂母也珂守贛州迎宜
人官舍每聞公堂有鞭朴聲輒令覘之潛加戒止珂
公邊卽訓飭之曰爲民父母宜以寬恕存心珂嘗以
俸祿之入製輕煖市肥鮮以奉宜人卽鬱鬱不樂曰
吾意豈在口體哉

右賢女



宋

曹觀妻劉氏
曹觀妹

曹觀妻劉氏皇祐五年觀守封州儂智高陷郡劉逃之林垌既聞觀死曰不可汚賊遂自經追封彭城縣君

曹氏觀妹也從觀官次觀遇害亦自刎

元

毛清
雷景炤妻鄭氏
雷炴妻魏璣

毛清蚤適人至正己丑寇亂清不從其家人避賊而大書壁間云寧死義不生汚賊至清持刃刺賊首賊殺之事聞旌門復家

建寧路雷景炤妻鄭氏紅巾寇作亂景炤及父被殺以鄭有容色獨生之鄭知賊意遂自殺次日不殺而蘇撫其二歲兒底成立以壽終

雷炴妻魏璣炴父珙為興化尉羅天麟作寇珙奉檄守海口假館福州以居其妻趙與炴亡何炴卒璣時年二十有六出首飾易具以歛明年舅珙亦卒與趙奔海口扶舅櫬還福州念二櫬不能一時金歸建白姑權窆夫柩福州而奉舅還建冒阻嘗艱撫未晬孤境底于成立至皇朝境子鏊孫士梅俱登進士

皇朝

魏宗欽妻丘鳳娘 雷温妻江氏

魏壽孫妻章聰娘 雷棟妻張氏

張伯輝妻陳仁娘 滕奎妻趙富娘

楊仕倫妻張閏 楊仕儀妻周氏

陳琦妻蘇貴娘 張澤妻詹善

雷格妻江淑貞 朱鉞妻雷氏

吳炫妻謝氏 楊公載妻龔氏

葉文梓妻張氏 周鶴齡妻徐氏

陳機妻倪氏 李文超妻陳氏

楊詹妻吳氏 陳照妻楊氏

陳岐鳳妻曹氏 李鑿妻黃氏

裴國宏妻馮氏 陳沅妻黃蘭英

魏宗欽妻丘鳳娘欽父康為倉胥洪武初坐法當刑

宗欽詣官請代丘曰勉平行矣君能為子妾不能婦

耶宗欽就獄歲餘度當刑奉書訣父父取書火之曰

兒其死矣吾不忍觀也丘遂痛哭自縊其後宗欽乃

得赦歸悲不自勝也曰吾不意生而婦不意死哉

貢士雷温妻江氏

魏壽孫妻章聰娘年十八夫亡子幼舅姑老而貧守

志孝養壽八十八宣德中旌門

雷棟妻張氏年二十寡無子其貧守節四十餘年

張伯輝妻陳仁娘伯輝沒二子尚幼陳年三十撫教
之其一子琮長娶于葉生子慶二歲琮亦夭葉守志
如姑士大夫作詩美之扁其堂曰繼節後慶應貢士
舉葉亦以壽終

府庠生滕奎妻趙富娘弘治中旌門

楊仕倫妻張閏仕倫遘疾張所以求禱萬方已剖股
進愈復作竟不起事姑撫子以賢孝聞弘治中得旌
楊仕儀妻周氏年十九歸仕儀踰年仕儀卒子旦方
遺腹也後旦官至吏部尚書弘治間旌表

貢士陳琦妻蘇貴娘弘治間旌門

張澤妻詹善生子鈞九閱月而澤卒時年二十三後
壽八十四

雷格妻江淑貞年少寡歲撫二孤啜菽迄成立而啜
貴矣

雷氏適朱文公十二世嫡孫鉞早卒無子其時舅氏
亦未有他子也雷哀毀幾盡強起事舅姑涕泪至失
明既舅生子鏊鏊生子法乃求法後其夫法長襲五
經博士也

生員吳炫妻謝氏炫死謝年二十四室赤貧課子奉姑及病姑爲延鑿引斧自誓曰寧斷臂不近男子也萬曆中旌門

貢士楊公載繼室龔氏公載偕長子承祚赴試京師龔卒于京龔年二十二遺子承禎四歲嫡姑及其所生姑俱老貧皆龔支持之孫百朋登第旌表

生員葉文梓妻張氏年二十四而寡一子延宗甫週姑且老斷髮自誓撫孤長之年八十餘以壽終

周鶴齡妻徐氏鶴齡早故徐年二十三養姑訓子七十九而沒孫武烈萬曆鄉薦

陳機妻倪氏

李文超妻陳氏文超之母亦寡守文超文超蚤卒遺子一週耳陳感激孀姑矢志厲節

楊詹妻吳氏

諸生陳照妻楊氏年二十七照死子三歲獨其繼姑在老而貧矣楊之父舉仕爲通判曰女貧也從吾宦不可隣舍火不出避也曰吾子未歸然竟無恙人以方之宋共姬

陳岐鳳妻曹氏

李璧繼妻黃氏

庠生裴國宏妻馮氏

庠生陳沅妻黃蘭英

右貞女

建寧府 甌寧縣

皇朝

劉寬妻童順 滕澍妻葉氏 楊應詔妻邵金

都指揮劉寬繼室童順年未三十而寬卒子銀尚幼

前人子盡有其產或謂宜直於官順曰彰子之失以

傷至情不可乃携銀依弟訓以居銀既成立時遣歸

掃先塋且脩兄弟之好焉

同知滕澍妻葉氏事舅姑至孝澍死言不出閩以禮

讓勤儉訓諸子婦若孫壽至百歲有司旌門

楊應詔妻邵金應詔應貢舉不第久之講學華陽山

中邵深所敬服子德輿方七歲入塾少不循禮朴責

動至數十既長居常謂曰吾願汝效父也山陰王畿

來游閩中邵時政病遣德輿往見德輿請侍湯藥邵

曰名士寓此可不望顏色吾自往耳尋卒畿為銘其

墓

右賢女

唐鉞妻鄒聰

李珏妾

李琛妻

楊公範妻黃氏

雷燦章妻魏氏

席成妻林森

席鵬妻蔡氏

吳元陽妻謝氏

郭臣妻王氏

魏維熊妻楊氏

葉模妻彭氏

任巨妻林氏

朱廷採妻滕順

雷用龍妻全氏

朱較避御諱妻滕氏

滕桂妻楊氏

陳曜妻金氏

黃崇妻鄭氏

林朝卿妻謝氏

謝應京妻陳氏

唐鉞妻鄒聰

李珣以椽給事京師妾氏某千戶女年色金盛珣死
 妾焚珣骸與其遺金裹歸誓為李氏死珣子不為養
 取其金迫嫁之妾北人也傷惶無依號慟去饑餓死
 他家路人嘆曰甚哉棄父妾者獨何顏下地見父乎
 從姪琛琛妻王氏其喪夫年二十五子習尚幼家窶
 甚族里長者憐而語之嫁不可既習死又語之又不可
 蓋穢未亡人者五十年
 庠生楊公範妻黃氏公範病亟黃時年方二十五即
 許以殉卒越日嚙裂所服衰自縊死
 庠生雷燦章妻魏氏章沒魏年二十不食七日卒

席成妻林森旌表

席鵬妻蔡氏鵬死誓不改志里火延及隣舍及風旋滅人謂天祐鵬祖母亦以節聞

庠生吳元陽妻謝氏十九子歸闋歲而寡姑病在堂子方三日笄然無依用節自誓萬曆旌表

舉人郭臣妻王氏

魏維熊妻楊氏

生員葉模妻彭氏模病彭剗左臂爇香以禱模沒彭

年十九一貧如洗倚母度日年八十有司

賜帛給扁

任巨妻林氏與巨處相見如賓其翁喜曰不意吾門

有梁鴻孟光也巨歿林年二十五絕膏沐不出戶者

五十七年孫本信子可愛相繼鄉薦

朱廷採妻滕順

知縣雷用龍繼室全氏

庠生朱較避御諱妻滕氏

生員滕桂妻楊氏

陳曜妻金氏子思尹

萬曆鄉薦

黃崇妻鄭氏十七而寡踰六十以節終

庠生林朝卿妻謝氏朝卿死謝年十九子叔文歲週

截髮自殘不復出戶孝事翁姑翁釗至百歲卒殯葬

盡禮萬曆二十四年旌表

諸生謝應京妻陳氏應京家故貧陳入門卽毀簪珥
脫舅氏繇役之困應京死陳二十四生子纔三日迨
十日姑繼亡逾月舅又亡三喪併至恐死力殯卜舍
學傷辟纊課子

右貞女

建寧府 建陽縣

宋

呂宜人

邵武黃崇妻游氏

余楚繼妻陳氏

饒幹母呂氏

朱松妻祝氏

江錡妻虞道永

周瑄妻陳氏

呂宜人游醉妻也有賢行事舅姑以孝聞友娣姒睦
姻族人無間言醉素貧不治生產夫人攻苦食淡能
宜其家

邵武黃崇妻游氏幼受班昭女訓通其大義至治組
紉筆札之藝皆不待刻意輒能過人歸崇事舅姑承
祭祀勤肅不懈舅喜賓客佳辰令節親舊滿門游供
饋惟謹未嘗委勞娣姒姑性嚴諸婦侍傍有二十年
不命者游獨能順適其意盥櫛溫清無有違禮姑每

因事指言以爲諸婦模楷娠子則必端居靜室焚香
 讀儒佛書不疾呼不怒視曰此古人胎教法也稍能
 言置膝上授以詩書及長爲迎師擇友教詔諄悉子
 中章皆第進士中端明殿學士章台州史贈建
 安郡夫人
 余楚繼妻陳氏歸楚生子翼三歲楚卒有前妻子二
 余盡產仁之而使翼之四方游學戒曰往成汝志無
 恤吾貧於是翼翼年十五在外十二年而後以進士
 起家爲吏歸見陳於鄉里陳此時閉門窮窶方無以
 自存母子相泣閭巷聚觀歎息其賢翼翼見縉紳

饒幹母呂氏父希說進士中第剛介不苟合晚令劍
 浦以卒呂生而愿慈不妄戲笑未笄失母劍浦俾治
 家事撫弟妹如成人尋以歸邵武饒偉事舅姑甚得
 其懽年餘生幹甫晬而寡誓志秉節無何劍浦及舅
 漳州府君皆卒而姑氏固前沒諸叔妹皆幼稚呂持
 守門戶奉承賓祭和輯上下內外斬斬其出內用度
 具有籍記雖龠合分寸無遺漏幹稍長遣就學程其
 術業謹其出入交游未嘗借顏色幹亦孝謹敦實能
 自力學問中淳熙進士

朱松妻祝氏逮事舅姑孝謹篤至松卒子熹年十有
 四祝辛勤撫教俾知所向熹貧病困感人所不堪而

祝處之怡然

江錡妻虞道永字無盡本劉氏女其父處士棊同產有適虞恫者自其幼而愛之携以歸鞠於虞因冒其姓少長聰明識義理往來兩家愛敬曲盡長歸錡入門時舅姑年皆甚高禮法峻整道永左右無違凡調膾烹飪之事既躬服其勞而薪火之節亦必謹候視務爲敏給糲微指既進饋退屏側立踧踖以聽唯恐少不中度至或陰儲治饌備更索雖在亂離之絕中亦必多方營致錡仕宣教郎沒時諸子皆幼道永以禮法持門戶錡從官時先疇之入恣兄弟衣食無所問既沒命諸子悉推與之虞恫老且失子道永歸養益謹送其終哀戚甚不沐浴鹽酪者三年性喜觀書讀易論語得其大意下至練養醫藥卜筮數術無不通曉平居處事詳練縝密與人言必依孝弟忠信晚學浮圖法屏簪珥卻酒肉布衣蔬食以終其身淳熙慶壽恩當得封諸子言於有司將上狀道永聞曰吾已棄人間事何此爲且命而不謝是爲欺君吾敢安乎竟留不上

周瑄妻陳氏父安世強學博聞嘗立義齋縣南從學甚衆陳少喪其親哀慕不懈及嫁亦不逮舅姑而歲

時丞享執事必親訖事常嗚咽流涕晚好浮圖法得其大指遂不復問家事惡衣菲食逾二十年而憂人之憂賑其厄窮病苦雖極力不倦子明仲舉進士知光澤縣

皇朝

王氏

王氏事姑至孝一夕大雨屋前池沼皆滿視之錢也今其池名錢塘

右賢女

宋

兵部尚書呂祉妻吳淑人

兵部尚書呂祉妻吳淑人社爲酈瓊所害有得祉括髮之帛以歸淑人持帛自縊死

元

廖妙祿

廖妙祿年十七歸爲吳氏婦其姑繼姑也而事之順二十夫亡敬事舅姑撫教二子以三十餘年有司上聞未報翰林學士姚公因侍宴仁宗爲奏其實仁宗曰閩處偏方有此守節知義之母乎特封貞節宜人樹棹楔於門永復其家

閩書

卷之二 閩閩

元

皇朝

熊剛中妻劉氏

黃溥妻詹氏

蔡郎妻陳氏

劉潭妻朱氏

朱烜妻何氏

朱鎧妻詹氏

朱振妻余氏

朱錦妻應媽娘

李汝梗妻朱無瑕

潘榮妻劉氏

馬澄妻劉氏

徐輝妻黃佛姐

宋垓妻范理

黃庚妻倪氏

熊爚妻蔡氏

黃寬妻李淑亨

張煦妻徐田娘

陳郎妻翁氏

蘇崇妻張愛娘

劉祐妻葛氏

韋綽母王氏

詹郎妻張氏

詹爚妻范氏

翁敏妻周氏

熊堯德妻翁氏

袁仕重妻黃氏

李廷恭妻趙氏

熊剛中妻劉氏年十八適剛中事姑至孝言動準禮
期年剛中亡昕夕哀慟以死自誓求夫猶子燦為後
年七十八卒洪武間旌門

黃溥妻詹氏生有淑德好讀書年二十五生子璿甫
週而溥亡勤苦力貧以奉舅姑舅姑繼沒營葬如禮

鄉邦稱其節孝璿宣德九年以貢入太學

蔡郎妻陳氏郎赤貧負債窮迫欲嫁陳以償陳自刎
死

朱氏朱公七世孫女也適劉文簡公八世孫潭生子
穩甫三歲而潭卒朱時年二十四筑子自誓撫子教
以義方鄉黨稱

朱文公十世孫烜妻何氏通孝經烈女傳及曹大家
女戒夫喪時年二十五守節以終壽八十餘

李汝榷妻朱無瑕文公十二世孫女于歸三載方有
孕而汝榷病瘵謂朱曰我必不起娠男則守娠女若
何朱嗚咽不能對亡何女矣汝榷病轉劇亟呼朱至
則已吾澁弟瞪視低回朱大慟曰恐而室飯他家耶
借事出房遂自盡也

朱文公十二世孫鎧妻詹氏年二十五守節旌表

朱文公十二世孫振妻余氏早喪父無兄弟振贅焉
後其母不耐貧困轉適他家振挈氏獨居蕭如也母
嫌振貧謂如何不求去曰一與之齊奈何貧棄之母
言愈厲遂自縊死

朱錦亦文公後妻應媽娘年二十五而寡守志不二
先後被旌

潘榮妻劉氏文簡八世孫顯之女生二子曰塤曰麓而舅姑及夫俱卒劉年十九持家有法教子有方

馬澄妻劉氏文簡公十世孫女也適澄生二子長櫟次梁而澄蚤卒劉二十四躬勤紡績撫訓二孤

徐輝妻黃佛姐

宋垓妻范理年二十三夫卒遺子堅甫三月姑憐之屢諷更適泣曰姑老矣婦無子且當侍况子耶姑沒棺殮葬祭悉自管辦孀居四十餘年

黃庾妻倪氏適庾生子三曰倫曰儼曰信而庾卒倪年二十五孝姑教子人或贊之曰習慣如此不自知也

熊燭妻蔡氏年二十一生男壘甫四月而燭卒嚙指明志以節終燭勿軒九世孫也

黃寬妻李淑亨寬病革謂亨曰母老子幼奈何亨泣曰不負君寬卒年二十四日携乳兒侍姑側每食擇其羸進姑曰我子不亡矣

張煦妻徐田娘煦母陳蚤寡使贅於田八閱月煦死田娘年十七方娠五月慟絕也後生一男家貧甚女工給子以至成立

陳郎妻翁氏

蘇崇妻張愛娘

劉祐妻葛氏祐諸生也有名子衿中學使姚鏌賞識之方其卒年二十七子寅甫六歲鏌悲祐不遇命寅自襁褓中寄名諸生葛痛夫愛子顧不以姑息畜後寅舉明經司訓松陽

袁綽母王氏年二十六而夫亡時綽方三歲因遺資孀守課綽就醫曰亦可行善綽遂以術名

詹郎妻張氏適五載而寡無子姑憐其少且貧欲嫁之里有富室遂以重賄謀娶張誓必死會族有產子者乞而育之比長娶婦生三孫不十載而子喪婦亡窮苦萬狀沒齒無怨

詹燭妻范氏

翁敏妻周氏年二十三而寡有二子一四歲一遺腹家貧甚有諷以遺孤難恃者正言折之日夜紡績事孀姑以孝聞姑沒力營襄事宗黨賻贈皆却不受二子長課之樵耕曰此生道也

熊堯德妻翁氏堯德兄堯成卒遺腹舉一子婦有他志欲棄之翁曰兄第二人僅此子也撫養在我有他者聽亡何堯德亦死翁撫姪無二有病勸之就醫曰婺也速死爲幸

袁仕重妻黃氏勉齋裔孫夢樞女幼授烈女傳能成誦十八適仕重五載仕重逝無子家貧黃抱夫主去依母家以五十餘年鄉人欲表其節輒止之曰常事耳何煩官府

李廷恭妻趙氏

右貞女

建寧府 崇安縣

宋

翁孝女

吳夫人

胡夫人

翁福清妻劉氏

貢士范巖妻哀氏

聖姑

翁孝女紀之女孫也獵涉方冊覽曹娥碑心慕之年十五母病顛天泣禱割股投羹母飲之忽有神護疾隨痊里中朝議彭俱聞其賢力為季子括求婚既歸以其孝父母者孝舅姑舅沒姑耄且多疾女日夜侍湯藥至忘寢食姑曰願汝婦如汝姑沒哀毀淒切聞者隕涕

吳夫人者胡安國母仙州居士羨門之女也幼通詩書皆能拆其大義既歸胡克盡婦道姑余大君老得末疾寢食盥櫛皆待人夫人侍膳問衣委身同起臥

者垂十載及沒足屈不伸宗長欲以羗夷法舉葬夫
人泣曰姑不得以全體歸地下吾當與俱默禱于神
以手徐摩頃之姑足遂伸安國稍能言卽遣就外傳
且戒不得歸歸及信宿乃遣之學宗人曰兒稚弱少
休之夫人曰休正在此安國自是感奮力學未冠遂
預計偕迨罷歸宗人爲惋惜夫人獨喜因語之曰兒
學短淺使亟竊名第必情且驕難遠大期也安國旣
登第復好奕夫人責之曰業止一第耶安國遂禁奕
終身已典教荊州以事數忤守夫人曰人貴德義耳
不貴以氣凌人安國遵訓飭勵母教居多焉

胡夫人翁氏密州司戶揆女也生前一日其祖殿揆
夢有通謁者曰吾婺女星也當生君家翼日夫人生
紅光滿堂殿撰曰必貴而壽長歸寅以婦德聞見元
孫者三累封太原寧郡太夫人

翁福清妻劉氏福清爲人友愛劉能宜其家治內井
有規度福清垂沒謂劉曰吾兄弟弟幸子姓日庶汝約
束之母令異心福清沒劉益篤忠信家人歲鬻筍市
竹之利必入于劉不敢私蓄一門八十口四世同居
貢士范蠟妻哀氏年二十蠟就試卒京師計聞號慟
幾絕服除剪髮爲尼携其幼子行甫屬諸宗人而自

結庵縣之黃洋居之指河誓曰不復渡此水矣紹興
末行甫舉於鄉哀登高引睇載笑載悲人詰其故哀
曰吾悲吾夫之不及見而喜吾子之能有成也壽百
有一歲

聖姑不知其姓邑五夫里人及笄偃蹇擇夫里中有
道子者亦矜詳擇婦乃聘聖姑甫歸道子暴死姑遣
之還聖姑曰兒所擇婦謂婦賢也不貞不孝又何擇
焉逾十年姑沒力爲殯葬苦貧甘乏遂毀形屏處茹
素誦經一日端坐而逝顏貌如生

皇朝

倪氏 楊自明妻游氏

黃嘉賓繼妻暨氏

倪氏藍增之室早寡無貳以通書史能書天順四年
祓選入掖庭備姆訓八年賜女官馳驛還家

楊自明妻游氏年十七嬪于楊姑風疾難寢與游旦
夕扶持姑死竭誠終事亡何夫被仇家毆死游念子
少隱忍在心及子長懷刃入仇家會仇家暴死游曰
恨不死吾手監司聞之遣祭表宅

黃嘉賓繼妻暨氏年十六歸嘉賓從嘉賓於戶部官
舍嘉賓卒幾不欲生特念有腹孕耳行至山東得雄

一婦一姑撫嬰扶柩也至楊子江風濤暴起暨抱兒
顛天衆舟覆暨舟獨存歸家隣舍火焰及於庭暨曰
將焉避之俄而風反火滅

右賢女

元

丘公注妻程氏

皇朝

鄧文燮妻黃氏

蔡氏

程啟隆妻江氏

陳際中妻翁蔡

黃季滋妻吳氏

吳京煥妻彭氏

張釗妻毛氏

徐璣妻毛氏

鄧文燮妻黃氏年二十八生子仕濂方九月而文燮
卒黃抱兒日哭柩側曰爲此喘息黃之弟請曰姊無
依請歸我黃曰家不離主禮也輦輓孤竟底成立
有司上事旌表

蔡氏西山九世孫女也適建陽熊勿軒八世孫普惠
生一子曰繼儒甫週而普惠卒蔡年二十二砥節礪
行邑人熊斌奏請旌表

程啟隆妻江氏年十七而孤以節終事聞旌表

陳際中妻翁蔡年十八歸陳長子三歲次子生四月

耳際中疾謂癸曰不起矣無哭也傷我二親善撫二孤吾目瞑矣際中卒癸吞聲襄事奉慰舅姑曰孫卽子也舅曰汝少家貧可奈何癸曰事舅姑撫孤幼不忘夫命三者婦分也舅沒力營襄事家益困夜績不休姑止無怠日坐失明癸曰失明婦其紡績廢矣是天盲吾姑與吾兒也踰年瞽復明人謂節孝之感嘉靖間旌門

黃季滋妻吳氏早適季滋生子楫甫六月季滋沒吳哀痛不絕口姑曰夫可痛也子亦可懷於是稍稍節順執喪三年家日伶仃姑曰盍他往吳曰有子又何之正德初有司給米絹表其宅

吳京煥妻彭氏生子穀三歲次象甫五月夫臨終囑曰親老子幼守否在汝彭號泣自誓夫歿舅氏又喪彭與姑形影相吊也歲饑多盜彭家獨免人曰節婦孝養之需神爲護矣

李存妻彭氏年十九歸李三年夫故遺腹僅五月夫疾革謂彭曰腹中子未知雄雌命之不淑汝自裁之彭痛而誓死夫歿晝夜泣也日祝天男乎男乎果誕男及週疹廢明復號天撫男泣也數月明復人曰孰謂天遠

張釗妻毛氏年二十一夫亡子瀾僅數月毛抱屍慟
 姑慰之曰母存子存夫去夫在母空自苦毛拊踊斷
 髮曰有如此髮矣姑年及九十敬養不替而子瀾死
 獨孫在耳時巡臺檄采節義邑人舉毛毛曰夫亡子
 亡虛名何事力求已之

徐環妻毛氏環之母生環與璫中歲寡毛氏年十九
 子宗成甫三月而環死璫妻李氏生子宗茂甫一週
 而璫死一門三孀家事蕭索姑謂毛李曰二孤我撫
 二媳自裁無共苦也毛私語李吾為冢婦而子我子
 汝可從姑於是李嫁而毛守也姑恒語人曰吾婦夕
 橫雙臂以枕二孤食果必均製衣同布真賢婦也姑
 沒毛悲慟骨立宗成長生一女而又死毛痛傷成疾
 宗茂請醫視之毛曰徐有後矣此吾從之死之日藥
 之是求生也不藥而卒

右貞女

建寧府

浦城縣

五代

章仔鈞妻練窻

章仔鈞妻練窻生而肉髮深沉端毅終日或不一言
 笑仔鈞仕閩為西北面行軍招討使王審知使屯兵

縣之西巖南唐將盧將軍以兵來侵仔鈞遣二校請師于州失期將斬之寯勸曰時危未靖公柰何斬壯士仔鈞悟置不問二校逸入南唐皆為大將一則金陵邊鎬一則上元王建封也保大三年南唐遣江南安撫使查文徽伐閩取建州鎬為行營招討建封為先鋒橋道使奪其險要已而建封焚外郭克之時仔鈞歿已久獨寯獨存二校遣使者持金帛遺寯以白旗授之曰吾且屠城夫人宜植旗于門已戒士卒勿犯矣夫人返其金帛并其旗曰君幸思舊德願全此城必欲屠之吾家與眾俱死耳不能獨生也二校感其言遂止曰夫人之仁使鬼為人後寯子一十五人孫六十八人多躋顯仕其後裔繩繩相繼位宰執法從歷卿監佩守令章者殆百餘人人以為活人之報至

皇朝寯二十世孫存道以遺像求學士瀛

贊之贊曰懿彼夫人生於七閩肉髮有倫靜毅而莊動循厥常女士之良笄而有歸建州之妻其德與齊建州桓桓旒旆繙繙以扼建關將固我城必集我兵移書以旌二校言旋何期之愆絕首以縣夫人曰吁乾坤創夷壯士勿誅逸之使奔遂為唐臣建旆而軍爭城以攻火旗晝紅陷其四封二校有云使鬼為人夫人之仁曷其報之曷索我私曷授我旗旌植于家有突而譁我劍之加夫人曰噫是城卒屠我生何為有眾若林昔而斧礮今而謳吟夫人之亡其魄已藏其澤愈滂傳紫襲龜霧滂雲瀰被于今茲遺像儼然萬日斯瞻曷取則焉

宋

章恂妻張氏

章甫妻沈氏

章惇妻張氏惇之入相也張病且死屬之曰君作相幸勿報怨既死惇語陳瓘曰惇亡不堪瓘曰與其為無益之悲孰若念臨絕言惇無以對

章甫妻沈氏經理家事無巨細皆有節法甫襟度簡遠未嘗問生事然奮羈旅起家闔門千指有宅以居有田以食悉沈力也自政和以來四方無虞仕進者以攀附為榮而沈每戒其子曰宜安素分遠權門盜賊且起無遠官貽吾憂諸子仕者謹奉其教卒以無患聞者服其遠識

元

真氏女

徐嗣元女

真氏女文忠裔孫也當元時其父仕為管庫負官錢數十萬鬻女以償父之流落倡家剛貞自持日隨儕侶出惟歌雅詞吹洞簫而已客無得犯者承旨姚牧庵會客翰林女往供奉牧庵聞其作閩語詢知其故告所司脫其籍以嫁院吏黃逮逮後至顯官

徐嗣元女至正間青田寇侵縣女為兵所掠作詩寫懷語意悲切詩云萬水千山去路賒青鞋踏破幾層

沙登山絕頂重逢嶺渡水尤深又復涯鴈字只傳夫
與子魚書難寄母和爺回顧遙望鄉關處雲下峰前
是我家

右賢女

元

李智貞

徐彩鸞

李智貞鄭全之妻左丞收之母也七歲能讀書九歲
母病調護甚謹及卒哀慟欲絕奉父極甘旨初父以
智貞許全後客邵武邵武豪聞其慧強納采焉智貞
斷髮拒之且數求死豪不能奪泰定間全病歿智貞
悲泣不食死智貞能爲詩有詩方集陳旅爲序

徐彩鸞字叔和適邑士李文景每誦文天祥六歌爲
感泣也元末青田賊寇浦城彩鸞從父嗣源逃山谷
間賊欲害之彩鸞前曰寧殺我遂得釋彩鸞語嗣源
曰兒死之父必速去賊拘彩鸞至桂林橋拾炭題壁
間曰惟有橋下水照見妾心清遂罵賊投橋下賊競
出之旣乘間復投水沒

皇朝

林淑柔

林陳妻葉文娘

游淑端

周景妻吳懿清

徐珊妻張雪娘

真大韶妻張定娘

李遇陽妻董線娘

吳瀾妻祖梅娘

徐以鑿妻黃聰娘

吳邦用妻梅賢娘

丘璫妻包淑貞

祖黯妻徐鳳娘

李應相妻潘翠娘

范毛桃妻管氏

林淑柔嫁張伯成蚤逝遭元季劬舅姑繼沒携子女往依兄弟拮据教育洪武間年八十餘卒

林陳妻葉文娘

蘇公亮繼妻游淑端年二十餘方娠公亮卒臨終囑曰生男當守生女嫁也既生女竟不嫁

周景妻吳懿清景一作璟

徐珊妻張雪娘珊卒張年二十二號哭飲血誓以身殉諸妯苦勸之乃強起撫育其孤紹有富姓委禽焉閉戶自縊其姑毀牖入救乃免萬曆二十五年旌門紹有隱德鄉人稱之

真文忠公裔孫大韶妻張定娘年十九而寡遺孤梧方襁褓引刀斷指誓天鞠撫以紡績奉舅姑萬曆三十年旌表梧廬母墓亦以孝聞

李遇陽妻董線娘遇陽畫史也以宕子游江湖間去之二十載方歸歸數月輒復去此時舅姑咸年踰六

元

元

元

元

元

元

元

元

元

元

元

旬而夫兒不事生業所以養舅姑皆自線娘十指出而自後畫史之音信絕矣舅沒夫兄潛與姑詐為夫書囑之改適線娘痛哭自縊姑憐而止之嗣是家日窶夫兄出亡線娘養姑不懈姑沒典衣襄事歸家依其兄嫂居或日不饜饜亦不飽也萬曆二十九年乃知畫史贅馬瑞府富人家挾貲至千金前一歲物故線娘號泣曰死吾不媿矣遂不食死年五十一吳瀾妻祖梅娘婦一年而瀾死有身矣已生男曰有依已奉舅姑盡孝應門一童爨下一嫗後其子娶婦頗治飾即命去之寡居六十二年如一也

庠士徐以鑿妻黃聰娘年十六歸徐不五載鑿卒養篋罄懸母兒孑立外戚李某橫欲奪嫁叩天咬血引繩自縊會兒索乳啼號舅姑覺而極之舅年耄矣孝養彌殷姑病痢病日身侍其側舌舐其醫課子承夫以五十年

吳邦用妻梅賢娘年二十而寡長子甫二周次子董孕二月家業零替竟奉姑課子以底于終

丘瑞妻包淑貞二十而寡引刀斷指撫孤廷梧廷槐其後諸孫十餘翩然振世壽八十餘

祖黯妻徐鳳娘嫁四載夫亡董生二女割髮明志白

姑擇嗣以繼宗祧姑沒痛哭仆地遇其諱日泣下沾襟也

李應相妻潘翠娘應相亡潘年二十有一剪髮自誓養姑訓子

范毛桃妻管氏毛桃家貧管敬事之不懈未幾毛桃歿貧不能市棺隣人舉其屍焚之管慟哭跳入烈焰中抱夫屍同燼里人以聞立坊旌表

右貞女 建寧府 政和縣

宋 黃朝佐妻許氏

黃朝佐妻許氏嫁八年而卒生一男曰石纔二歲既屬疾自度不起指石囑其姑曰新婦即死以是兒為托然教之必嚴勿以其無母也幸而有立新婦不亡

夫石長游太學有聲稱擢進士甲科為上虞丞

皇朝 周氏

周氏魏穀實母也既喪夫穀實與其二子彥祥穀資相繼天三婦金少周諷以從一之義三婦皆感泣齧指誓閨門之內肅如也諸孫總角者則遣就外傳在

元



閩書 卷之二十四 三
三十五
襁褓者自撫哺之日輒坐于庭諸孫環侍聚僮僕訓諭使治生業晚則稽勤情賞罰焉如是二十年壽七十五卒

右賢女

元

張子方妻管氏

丁賢妻盧氏

張子方妻管氏至正間木礫寇入邑子女多驅迫以去管年二十餘自刎死其故曰陳誠明也

丁賢妻盧氏

皇朝

吳景文妻鄭氏

劉氏

張彥章繼妻陳氏

陳受榮妻倪氏

倪澄妻范氏

張子銘妻盧氏

王得閔妻魏氏

林昭得妻李氏

吳公寶妻黃氏

王明妻陳氏

姜英繼妻李氏

陳瑞妻范氏

游銓妻張氏

范灼妻林氏

吳天秩妻池氏

宋廷春妻吳氏

張焯妻吳氏

趙旻妻陳氏

張鳳池妻陳氏

閩書

卷之二十四 閩閩

元

吳景文妻鄭氏洪武元年木溪寨寇至舉邑驚走鄭及女伴十餘人避難山谷棄其週歲兒瑾土草中寇進逼之自高崖投下將半衣絙於棘良久復墜不死而右足折一女同投者衣無所絙蓋粉矣寇退瑾亦無恙人謂天相而邑人稱同投者曰投崖女子

劉氏洪武中從其夫吳繼祖應南京軍役生子浩成而繼祖卒劉年二十又一抱遺孤還里撫教底成以天年終

張彥章繼妻陳氏彥章爲縣吏以罪謫戍臨別囑曰存亡未卜善撫我子也陳時年十八爾旣彥章歿陳撫育已子及前妻子年八十九乃卒

陳受榮妻倪氏正統末古田寇剽縣境倪與夫避山中見驅擄投溪而斃寇還求得其屍色如生也

倪澄妻范氏

張子銘妻盧氏年二十四而寡或諭之曰年少子幼柰末路何盧曰豈不聞餓死事極小聞者歎服

王得閔妻魏氏

林昭得祖母李氏年二十四夫卒一子兩月耳有謀聘之者持刀自絕隣姬覺而止之獲免也

吳公寶妻黃氏年十六歸公寶越四載公寶卒竟遺

一女女長人曰可贅婿也是卽子矣黃曰如宗祀何
育夫從子坦爲後

王明妻陳氏年二十餘生子窓未週明疾革囑曰必
不起子勿也去畱在爾泣曰有留爾明死遂依明從
毋以居沙充寇作挈子逃難備嘗艱苦知縣王鑑作
詩美之有寸心昭白日信誓契蒼天之句

姜英繼妻李氏年二十六生子禮甫三歲而英亡攻
苦食淡育前妻子三人如已出禮領正德鄉薦嘉靖
十三年旌門

陳瑞妻范氏瑞疾革范默割股和劑服之瑞卒無嗣
或勸之嫁厲聲叱曰犬彘我耶年七十餘卒

貢士游銓妻張氏適銓奉匱沃盥有寢案儀其出交
夫子二長業儒次在禰女子二其長已嫁季及方笄
也嘉靖辛酉寇發建屬邑多被攻圍張氏慮且莫測
數提誨其季女曰凡我婦質順適其晏以一所天幸
矣彼變之窘惟溺與刃女謹識之銓聞讓曰婦言不
祥無喪而憊者與張曰婦聞士尚其節必崇於風女
愛其身必明於素君將節砥胡是不解無惡不祥使
婦與女能明不祥祥莫大焉居亡何海航諸寇誘倭
夷數千攻政和陷之張度不能脫速呼女曰省前誨

乎領之卽赴井死張隨之閱數日賊窺井出骸割帶
橐中簪珥得金可數十時銓與其兒俱被執于郊外
銓幸先脫後賊拘銓兒從其家令取瘞貲視其母妹
則旣死矣泣莫禁賊詰知故亦相愕曰維母與子各
挾其貲可以得生何弗爲也烈哉烈哉覆之以衣而
去萬曆二十二年旌門

范灼妻林氏年十八喪夫深居閨閣雖弟姪不得見
嘉靖壬戌倭陷城捉迫入營温語露刃誘逼相加嚴
厲之意見於色辭遂見殺也萬曆二十三年旌門

吏日吳天秩妻池氏嘉靖壬戌倭陷城氏被執抗不
入營賊按劍駭殺顏色不變厲聲罵賊引頸就刃
省祭宋廷春妻吳氏夫病焚香告天願以身代夫卒
抱棺誓志閉門屏居有司旌之

張焯妻吳氏

教諭趙旻妻陳氏旻罵賊死陳以節終郡守龔道立
稱其君臣夫婦之間嘉耦無媿旻見縉紳
張鳳池妻陳氏

右貞女

建寧府

松溪縣

元

閨閣

卷之二十四 閨閣

世

十

李述父妻黃妙銖

范回

李述父妻黃妙銖至正丙申青田寇侵縣妙銖方盛
年與群婦逃出郭門被執據地哭拏不行驅迫之自
投高崖下寇舍去至暮述父跡得之而猶生也

范回為遂應場葉彥寬妻至正間彥寬得授政和簿
未任而歿回年未三十一子尚幼誓不二庭有价婦
同居亦新寡將改適回力爭不聽乃獨撫其子以居
子長從戍范又撫孫孀居五十餘年壽九十

皇朝

葉繼生妻黃妙瑩

楊繼義妻嚴妙音

江克俊妻嚴完娘

葉漁妻馬妙瑄

葉廷寶妻李翠娘

楊惠林妻范三飯

葉宗儀妻范勉

陳光妻范佛姑

葉姑娘陳應娘

林壽妻范惠女

葉夜妻陳氏

楊國資妻陳賽

董用賢妻葉氏

葉塔妻陳氏

陳本仁妻童氏

江鏗妻陳氏

葉文祥妻何氏

葉世溟妻魏氏

黃繼生妻黃妙瑩洪武初慶元山寇剽掠入其村猝
至繼生家斬戶入揮刃斫之妙瑩奔呼出以身翼蔽

受數十刃至氣絕不動群盜愕然棄去繼生得不死
楊繼義妻嚴妙音

江克俊妻嚴完娘年二十生子濬未晬克俊病篤屬
以母子完娘許諾夫卒不二姑年八十餘生事死葬
莫不如禮後子濬又卒撫育二孫至于成立

葉濂妻馬妙瑄年二十濂病亟語之曰吾死無後汝
將何歸妙瑄曰吾亦有死濂卒以刀自刎家人覺而
救之傷額寸餘死而復生五十餘年卒全其節

葉廷寶妻李翠娘嘉靖十七年旌表

楊惠林妻范三飯

葉宗儀妻范勉年十七寡舅姑欲奪其志抱木主歸
依母家飲恨不起臨終求與木主同葬

陳光妻范佛姑嘉靖季廣賊臨境佛姑從夫匿本里
前洋山賊榜山得之執至東嶽營衆婦皆入佛姑堅
抱門闌不進賊悅其姿初不忍殺及往河東至東平
渡以石擊頭血流被面且泣且罵中流奮跳渡下賊
怒殺之年二十二

葉氏姑娘者江華之妻而陳應娘葉弟惠勝妻也二
婦貞潔和順守貧苦節嘉靖四十一年十二月同里
人避倭寇匿長潭值年夜里男覓刀剃頭弗得姑娘

乃出諸懷衆婦問故姑娘曰設有急可自裁也獻歲
四日倭圍長潭執姑娘應娘共繫一繩姑娘謂應娘
曰我二人今日被虜縱生還潔亦名污不如就斃應
娘唯唯姑娘探刀懷中則已墮失於是各抱幼女連
繩跳潭水中

林壽妻范惠女嘉靖四十一年臘月與衆婦避倭匿
廖墩山塢賊掠山執惠女及衆婦至水南獨惠女與
抗或謂今且順之家中來贖矣惠女曰可贖身也可
贖辱哉我則寧死賊見言殺其幼女以懼之惠女自
如曰併及汝矣曰固所求也賊殺之

葉孜妻陳氏年二十二孜故獨遺一子甫週矢志鞠
之隆慶六年火東隣西舍俱燼陳號泣曰天乎未亡
人及此孤兒安能勝舅姑兩柩兩柩燼者未亡人命
卒之日也火及前廊天爲反風以免

楊國資妻陳賽十七歲夫亡無子立夫兄弟各一子
爲嗣謹事孀姑矢志靡二家故饒貲以子肄庠萬曆
四年建文奎閣于學宮有司獎之

董用賢妻葉氏

例貢葉堦妻陳氏少嫻女訓善事舅姑夫亡無子立
猶子繼嗣後捐田二十二畝於學宮以助邑士之學

陳本仁妻童氏年十八寡以節終

江鏗妻陳氏年十八寡以節終

葉文祥妻何氏文祥歿何年二十八事姑黃祖姑謝奉養備至二姑皆年近百歲而何亦八十餘

葉世誤妻魏氏

右貞女

建寧府 壽寧縣

皇朝

吳自脩妻張氏

葉秉則妻吳濂

周騫妻李八姑

李津妻黃氏

朱文斌妻許氏

葉從式妻吳細娘

周文妻李氏

吳自脩妻張氏嘉靖間倭寇壽寧張年十九負幼兒匿巖洞間賊搜出以刀挑其兒欲挾之行張向前奪賊刀賊怒殺兒張唾賊遂被殺

葉秉則妻吳濂以節旌年八十餘

周騫妻李八姑二十適騫甫三月歸寧聞騫卒徒步百里奔計殞畢自縊

李津妻黃氏年二十五津喪無舅姑兄嫂逼嫁之剪髮為誓嫂曰髮可短也亦可長也黃聞自縊死

朱文斌妻許氏年十九適斌半載斌亡父母逼嫁剪髮嚙指自誓靡他所生遺腹男夭折撫課孫鳳補弟子員年九十終

葉從式妻吳細娘嫁九月夫卒誓死以殉為妯娌周防不得間尋立伯氏次子懋猷叔氏次子懋育為嗣曰二子金嗣示不私也

周文妻李氏夫死自經以殉
右貞女

延平府 南平縣

宋

黃中羨妻林夫人 贈少師積之女渾厚靜專歸邵武黃中羨妻林夫人贈少師積之女渾厚靜專歸中羨甚貧處之自若中羨貴不改其度事夫女兄如其姑中羨沒於外歸其喪崎嶇川陸兵火中五年乃至教子務以忠言直節立其志年九十餘神明不耗起居不衰似有道者

右賢女

皇朝

劉通妻俞氏

劉雄妻何妙玉

黃勝寶妻葉氏

歐瀾妻林氏

閩書

卷之二十四

閩書

七

元

王鼎妻林氏

楊文厚妻薛氏

吳節妻游氏

張倪瑤妻魏氏

黃瓊妻徐冬使

陳瑞妻吳氏

林鳴鳳妻黃怡姐

蕭元春妻李氏

楊繼周妻黃氏

謝學元妻李氏

何繼文妻李秋菊

贈淑人俞氏贈右副都御史劉通妻右副都御史璋母也歸劉以孝謹聞年二十九通卒勤紡績以羨其家教育二孤脫簪珥遣之入學郡守雷誠欲上其行亟辭曰守節婦恒豈願有聞卒後八年而璋第進士

延平衛應襲指揮劉雄妻何妙玉

黃勝寶妻葉氏早寡完節年七十一卒兵部尚書孫

原貞節鎮八閩輓以詩有想見地下夫無媿生前好

之句

國子生歐瀾妻林氏早寡撫孤梁任宿州學正

王鼎妻林氏以節終

楊文厚妻薛玉瑄十七而寡父母欲易其志斷右鬢

自明竟以節終

吳節妻游氏

張倪瑤妻魏氏

黃瓊妻徐冬使少艾適瓊瓊宕子也鬻之富商徐涕泣欲死富商驚異去瓊又誘惡少娶之徐度不能脫奔與母訣母曰夫誠宕子惡少不足托也無他匹乎徐歸自縊死郡守裴椿為斂葬

吳庠生陳瑞妻吳氏旌表

林鳴鳳妻黃怡姐嘉靖壬戌流賊猝至扶姑走被獲以頭搶地鮮血迸流執至臨溪高樓奮身墮死賊退七日收屍溪傍顏色如生時年十七

庠生蕭元春妻李氏

庠生楊繼周妻黃氏

謝元學妻李氏

何繼文妻李秋菊

右貞女

延平府 將樂縣

皇朝

張貴娘

周孟昇妻蔡貞

蔡玘妻蕭榮

楊顯妻黃琳

溫敬妻余鼎娘

林人鳳妻廖氏

楊汝采妻饒氏

徐以昭妻白氏

蕭賁妻徐氏

張貴娘沙寇入境貴娘時年十八賊執之將昇去張曰請歛首飾以隨潛入屋後投江死

周孟昇妻蔡貞年十八矢志甘貧教子璩儒業有聲知縣陳大經聞而欲旌之蔡呼璩止之曰常事也年

八十三卒

蔡玘妻蕭榮商人婦也方娠而玘商外生子潮八年矣玘尚未歸卒于臨清逆旅蕭曰妻不久夫子不識父悲哉守志教子以終天年

邑庠生楊顯妻黃琳值家窘竭力措持敬順舅姑顯卒黃年二十四撫二孤二孤死各遺一孫鞠育底于

成

温敬妻余鼎娘比筭適敬越五年敬溺死余痛屍踰月弗獲出所衣衣及夫遺服焚之而上所有於姑又踰月敬屍竟弗獲沐浴而縊於夫寢

邑庠生林人鳳妻廖氏人鳳沒廖年二十二家故窶甚舅姑七旬二孤松梅俱在襁褓廖勤紡績給衣食女孫配吳蚤寡引與同守以壽終

楊汝采妻饒氏旌門

徐以昭妻白氏旌門

蕭賁妻徐氏旌門

右貞女

延平府 大田縣

皇朝

郭氏婦

黃永亮未婚妻郭善英

陳熙妻張秀使

田保三妻連氏

田稀八妻范氏

嚴惟中女寶使

范永岱妻温玉娘

張盛三妻鄭氏

田一貫妻蕭氏

嚴和濟未婚妻王氏

郭氏婦失姓名鄧茂七亂鄉人結寨東巖拒之賊破

寨婦襁褓呱呱兒而且有身矣賊驅婦去婦奮罵投百

尺巖下與兒俱碎亂石間胎兒及腸胃迸出狼藉賊

駭愕據高垂瞰皆酸鼻不忍視曰此真節婦儂輩追

歿之不祥瘞之而後去

黃永亮未婚妻郭善英永亮卒善英白父母奔喪至

則留家持服朝夕奠執爨事舅姑日就群處子治女

工深閣中永亮將葬盛為傭者治具囑使大作壙人

莫覺也發引前一日自縊死

陳熙妻張秀使

田保三妻連氏年十八寡撫遺腹子以節終

陳稀八妻范氏早寡赤貧年饑採芹茹草以養其姑

嚴惟中女寶使嘉靖季寇亂闔家被擄寶使懼辱輒
自縊惟中救活之賊拷惟中索贖金將殺焉寶使給
賊全父抵銘溪渡橋上乘賊午飯投橋下歿賊驚嘆
放父收屍而且爲詞弔之

范永岱妻温玉

張盛三妻鄭氏家赤貧以節終

田一貫妻蕭氏

生員嚴和濟未婚妻王氏和濟沒王氏奔歸夫家孝
事舅姑誓死不嫁年三十終

右貞女

延平府 沙縣

宋

仙遊縣太君羅氏

左司郎中張維妻羅令人

仙遊縣太君羅氏秘書少監陳世卿妻有賢行事祖
姑蕭氏順焉諸妣慕其所爲皆稱孝婦經紀內治不
懈至老世卿行治勞烈稱天下有施於後世其子孫
蕃衍能中其家法皆繇太君善相善教王荆公爲銘
墓

左司郎中張維妻羅令人世爲縣望姓家法嚴整令
人生年二十有二而歸郎中事姑羅恭人孝謹郎中

公故貧初仕將遣其女弟而無資令人悉出囊中裝奉之事郎中二兄旦暮率諸幼稚以次問起居無一日闕禮子姪就學歸沐輒具湯餅會諸娣姒男女語次從容問所學業勞勉諸姪以勵其子油油如也羅恭人嘗苦末疾令人靜夜露香致禱願捐已壽以延姑年如是者數月恭人疾頓平而後三年令人一旦暴卒恭人哭之慟至老念之不能忘與人言稱其孝至泣下令人儉約謙下好禮法有識度嫁時篋中有繫色絺衣忌日輒被以奉祭稱慰如儀常所服禮衣橫帔如民間法或告以張公且通朝籍盍改用命服令人曰此非拜恩何敢服也卒以禮終

右賢女

宋

廖氏

廖氏本名

一作民一作士

妻性慧解歌舞紹定三年為賊所

掠命之歌舞廖罵曰我恨不磔汝歌舞悅汝耶賊怒殺之時賊方猖獗欲窺州城廖有娠賊剗其腹觀男女以上進退得女遂引去招捕使陳鞞具聞于朝詔贈懿節夫人鄉人立廟祀之

本名妻三字舊志也若謂名家女者然名家之

妻何以善歌舞不可曉也

陽書

卷之二十四 閨閣

四

元

元

劉國美妻林愈娘

劉國美妻林愈娘至正末江西寇鄧克明攻破縣治愈娘失夫所在奔匿草間被掠迫行至安濟橋謂同行諸婦曰寧死不受辱復拊其懷中子曰我之不屈亦汝不屈也與其棄於道夫誰憐而鞠之不死猶死也痛哭而投於河中通判劉總以聞詔書旌表

右貞女

皇朝

陳義姑 陳氏婢

陳義姑馬坑陳穗女也年十八穗夫婦相繼卒遺二弟長天生七歲次天載五歲親族莫不幸其死以利其有遂矢志自立不嫁撫弟然族人窺伺未息也每居常置茗帚數十把酒食時具忽一寒夜有族人謀乘黑叩姑戶燃帚隱照皆其族兄弟也亟啟戶具酒食款之叩者急告曰吾適夜行滅火來汝求明自此知有備遂絕害意及二弟成立婚娶畢年四十五乃嫁終無子二弟迎歸母事之及沒廟祀之曰義姑陳氏婢陳仕進家侍女也仕進甫三歲父母相繼卒婢撫之鄧茂七亂人山谷竄婢負仕進并携其家簿

國書

卷之二百四十二 閩閩

四

元

券以逃竟存陳氏之門

右賢女

幼溪貞女

胡氏三世姑婦

羅明妻洪氏

陳雲鵬妻曾淑真

陸文諒妻林氏

陳氏女

謝鶚妻陳氏

曾一瓊妻胡氏

張從傳未婚妻

謝應昇妻魏氏

馮經妻余玉娘

鄧琳祥妻林氏

王珣妾黃氏

夏永慶妻蕭氏

羅舉妻張氏

韓輔妻鄧氏

陳月娘

陳經妻何秀女

黃文炳妻曾氏

楊知新妻龔氏

黃文諭妻徐氏

張光堂妻游氏

黃應科妻張氏

黃琦五妻鄧氏

黃作賓妻陳氏

游天與妻張氏

胡天詔妻朱氏

幼溪貞女失其姓名鄧茂七殘破縣治匿草莽間爲
二賊所獲貞女許過橋從一人以終所事二賊信之
扶携至橋心貞女忽以兩手結賊投于淵與之俱溺
弘治四年憲副楊澤郡守蘇章立祠祀之

胡貴妻陳氏年十六始孀越二載貴卒生宗旺甫一歲衆喙交撼陳曰更夫棄子不屬爲人宗旺長娶于姜正統間避寇府城卒子斯祐三歲姜時年二十五亦勵志撫孤寇平携斯祐歸葺舊業及長娶吳而斯祐又卒遺二孤長敏瓚七歲次敏璋三歲吳年二十五日夜勤苦督瓚力學致顯榮璋亦世其家人謂胡氏姑婦三世一心

邑庠生羅明妻洪氏

陳雲鵬妻曾淑真雲鵬父璵官田州往省覲歿客舍時曾年二十五遺孤世芳甫一歲誓不他舅棄官歸業益落破奩產養之督世芳世其家嘉靖初陸文裕深謫郡丞檄縣表門

諸生陸文諒妻林氏家貧并臼相文諒學文諒蠱疾奉湯藥不怠漬甚以父母托弟以幼子托母以二女歸所許嫁家林曰不託婦哉諒曰貧勿留也林曰請面決入卧内投繯歿諒撫屍大慟次日亦卒

陳氏女年及笄嘉靖十二年流賊入境掠其家將污之文堅持不從賊脇以刃厲聲罵之賊怒犯之以瓜傷賊面罵益厲賊大怒肢解之

諸生謝鶚妻陳氏年十七適鶚甫六月而鶚卒陳時

已娠憑屍哭曰所不從君以堂上之姑腹中之孕及期生子應元喜曰不歿矣屏脂澤甘麤糲孝奉其姑教子成立後應元領嘉靖鄉薦

曾一夔妻胡氏

張從傳未婚妻高足娘從傳病故足娘涕泣廢食槌毀聘釵以歿自誓母及嫂勸解之氏峻拒潛縊死諸生謝應昇妻魏氏夫卒年二十三遺腹六月哀毀欲歿姑曰如遺腹何旦暮泣喪明歲餘乃復及生子以鍾艱辛撫之嘉靖季流賊逼城屢求自縊誓不見辱內外稱焉

馮經妻余玉娘

鄧琳祥妻林氏嘉靖庚申廣兵之亂林被擄焉賊悅之所以誘之百計歿拒不辱大詬罵賊怒刀挾之罵不輟賊益怒將殺之引頸受戮賊截首剜舌毀其尸而歿

王珣妾黃氏嘉靖庚申寇亂流劫至其鄉珣所居鄉人業操舟賊至衆婦乘舟以避賊賊偵知之從旁路出其下流始衆婦入舟避賊各匿景艙中獨黃兀坐于外衆婦嗾曰何自露如此賊不見乎黃曰見賊小耳恐求見而不得歿吾之外坐急自溺矣已賊至聳

身赴水歿

夏永慶妻蕭氏永慶卒生子風動甫二歲蕭盡以產業付其伯氏泰惟撫子成立而已泰亦能以義恤姪而風動得隸於諸生

羅舉妻張氏嘉靖庚申寇至舉携妻妾竄巖穴間而舉自逃散惟張及妾與妾子爲賊獲賊見張美欲犯之不從捉至中途張解髮自縊賊覺斷之張仍解脚帶賊又覺則驅之徒跣至營血流染地渠魁大悅欲留之張厲聲曰速賜一歿賊曰不畏歿耶殺汝妾遂引刀向妾張引頸曰請代妾留妾撫孩嬰賊曰吾殺孩嬰張引頸曰請代孩嬰以存夫胤賊牽出殺之張卽先行了無懼色賊猶豫不忍舍張罵不絕口賊遂割乳剖心棄首河中賊衆愕相顧曰世亦有此女耶數日尸浮其色如生

庠生韓輔妻鄧氏孤孑守節家貧不能葬夫者久之庚申寇至謂僞棺也其中有物剖之已乃真屍棄之河中寇退鄧覓而瘞焉而尋卒

陳月娘嘉靖中流賊入境不受汚以死

陳經妻何秀女

黃文炳妻曾氏

楊知新妻龔氏

黃文諭妻徐氏

張光堂妻游氏

黃應科妻張氏

黃瑞玉妻鄧氏

庠生黃作賓妻陳氏

陳天與妻陳氏

胡天詔妻朱氏

右貞女

延平府 尤溪縣

元

施九泰妻卓氏

施九泰妻卓氏撫遺腹以節終至正中旌表

皇朝

彭阿積妻張陵娘

吳大興妻詹氏

王溥妻施氏

蔡氏姑婦

施士和側室葉氏

張廣側室章氏

彭阿積妻張陵娘洪武中夫溺死張年十九誓不二

適以育遺孤後舅姑欲奪其志投水死

吳大興妻詹氏旌門

閩書

卷之二四二 閩閩

元

廩生王溥妻施氏

舉人蔡文盛妻陳氏文盛早卒陳年二十四撫教遺

孤綸應歲貢卒於外綸妻楊復撫遺孤夢暘萬曆庚

子夢暘舉于鄉矣當楊撫夢暘時方週月而已人稱

雙節

施士和側室葉氏年少孀居嫡余氏憐其無子諷之

更嫁氏慟哭自誓後孫媳林氏者庠生大寔妻年二

十五大寔卒撫遺腹一子出遺腹者二嫠窮餓相依

終始如一稱雙節焉

國子生趙廣側室章氏年二十五而寡事正室如母

撫孤子成立年八十二終

右貞女

延平府

順昌縣

宋

范汪妻馬氏

范汪妻馬氏紹興初土軍陳望等作亂殺其夫又誘

殺其子馬聞奔視又欲脅污之不從被節解

元

余正

余正年十六父從周許妻甌寧黃壽明年將樂土豪

閩書

卷之二十四

閩閩

元

伍馬榮者欲強委禽焉余據禮告父父以女辭辭之
遂歸於黃于歸之日豪遣百餘人要於道殺黃奪余
余給曰返致吾言吾未黃婦勢且適人孰與王公汝
以脅往吾以脅歸雖在王公實應且憎母寧歸而待
聘王公與我俱免人口百餘人者皆去余扶黃屍歸
白于官土豪坐誅遂卜地葬夫自殺以從時至和已
巳歲也

皇朝

蕭貢才妻顏鏗

張文宗妻陳月

楊紹英妻趙氏

馮綽妻孟氏

張氏女

官岳妻廖氏

葉氏姑婦

郭茂賢妻林氏

廖詩妻任氏

邢榮越妻彭氏

朱廷塔未婚妻熊毓貞

蕭貢才妻顏鏗洪武間旌門

張文宗妻陳月正統間草寇亂執陳欲獻賊首舟過
西渡給賊曰若欲獻我於帥而尚繫我我告汝帥且
獲譴賊曰是也釋之中流投水歿

楊紹英妻趙氏年二十七夫亡子甫二歲舅姑俱老
夫弟尚幼惟植遺孤不再適後五年孤卒苦志不衰

及夫弟長生子取鞠之以節終

馮綽妻孟氏嘉靖元年旌表

張氏女嘉靖季流寇突至被掠大罵死

官岳妻廖氏

葉周安妻吳氏子天榮妻高氏嘉靖季姑媳俱被賊

執脅污不從到妻杉灘跳水死

郭茂賢妻林氏嘉靖季為流寇所擄欲污之唾罵不

從賊斷其舌猶不絕口被肢解死

廖詩妻任氏

邢榮越妻彭氏

朱廷堦未婚妻熊毓貞廷堦歿毓貞泣留聘金誓不

自贖逾年有從其父母議婚者毓貞聞絕粒死

右貞女

延平府 永安縣

皇朝

賴五十妻莊昭

黃真勝妻陳氏

張慈妻賴啟娘

陳氏女

嚴師訓妻鄧氏

鄧林彩妻陳氏

羅氏婦姒

吳天性妻鄧氏

林尾姑

賴五十妻莊昭年十七歸賴明年生子璧又明年夫
亡人迫百端莊不爲移姑老無齒日哺其脆爲養璧
甫成立又歿攻苦服勤鞠育諸孫壽七十九卒徐文
貞公謫郡推時稱其標赤幟于三綱之途

黃真勝妻陳氏適未幾夫違異疾舅姑充陳命所招
送歸母家陳獨處樓中廢寢食及夫亡往哭哀毀殮
畢自縊歿

庠士張懋妻賴啟娘夫喪子亡姑憐其少欲立後托
以老而別嫁之啟娘曰立後在婦竟終其節嘉靖中
旌表

陳氏女嘉靖中流賊入境時女甫笄賊脅以刃堅
不從女怒詈瓜賊面流血遂遇害

嚴師訓妻鄧氏被賊執欲污之唾罵不屈賊裂其口
罵聲含糊頭斷乃止

鄧林彩妻陳氏賊執在營不受污辱厲聲罵之延頸
求殺賊怒亂斫棄溪中

羅正茂妻劉氏同夫弟正卿妻姜氏與衆男婦赴舟
避賊賊追及各抱携子投水歿

吳天性妻鄧氏被賊執至林宅井隅度不能潔給賊
釋手墜井而沒

林尾姑同母被賊執鎖空室中思難脫離拜母自縊

右貞女

延平府 延平衛

皇朝

劉雄妻曹妙玉

糜曹婢

劉雄應襲指揮也妻何妙玉以節守

糜曹婢早失怙恃依父妹居年十九許聘王文珍未

嬪文珍卒越三日知葬柩必過其門更衣登樓于窓

隙中目送其喪過即自縊

右貞女

寬政戊午

